


~~T4687 / 8008~~ ▼

T 4718 / 8008

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 1 1988



八旗通志初集卷之三十一

勳臣傳六

正紅旗滿洲世職官上

蘇格

亮勒

阿哈

傅哈

吳爾

阿音

達雅

色布

高和

庫色

察爾

那納

哈禮

哈禮

八旗通志初集卷之二百六

勲臣傳六

正紅旗滿洲世職官上

薩鈕

子赫葉諾

色勒布

孫莫羅渾

額

克勒

武喇濟

商堅和洛

列列渾

阿哈瞻

童阿圖

庫色納

傅哈納

弟之子武達

察爾器

吳爾哲

子巴拜

邦納密

阿晉泰

兄子覺何託

哈禮

子博濟

覺羅圖蘭

哈寧阿

子韓儲翰



楊艾 牛尼哈布爾遜

阿岱 子雅親

色勒布 胡什

滿岱 孫巴喀

尼牙哈納 孫阿哈碩色

羅多渾

達陽阿巴圖魯

晉達理 岳鼎 滿丕

布爾思海 克布圖

科拖拜 子科爾兌

科諾濶巴圖魯

單都 蘇雅 名秋 莽炳 布爾善

訥雷

覺羅多爾計

尼雅哈齊 南岱

覺羅高麗 弟色爾圖

色冷 十塞靖寇

尼堪 穆成格

薩鈕。滿洲正紅旗人。姓吳扎喇氏。原係虎爾哈人。於

國初時來歸。

太祖高皇帝嘉其忠誠。授備禦世職。卒。以長子赫葉諾

襲。崇德二年。緣事革職。仍管牛象事。四年。從征

撒哈連烏喇。偕阿林獲丁壯八十二名。六年。從

大兵征明圍錦州。敵兵來襲我紅衣礮。率本甲

喇兵擊却之。明松山騎兵來侵我右翼營汛。復

擊敗之。順治元年四月。從睿王多爾袞入山海

關。破流寇有功。五月往平山西。同固山額真墨

爾根轄過獲鹿縣。三遇土寇擊敗之。進兵陝西。圍延安府城。敵兵犯我輜重。偕松阿圖巴圖魯。屢敗其衆。三年敘功。授半個前程。卒。子莫羅渾襲職。七年九年。三遇

恩詔。加至三等阿達哈哈番。十一年駐防杭州。時沙土都門等三村。有賊四千人作亂。莫羅渾偕阿達哈哈番巴思堪擊破之。斬僞總兵官一員。聞海寇引舟師萬餘犯紹興府。復偕巴思堪往剿。斬僞副將一員。獲船三百隻。是年隨靖南將軍朱瑪喇征廣東。擊僞安西王李定國於新會縣。敗

其衆四萬餘。十三年論功。加世職爲二等阿達哈哈番。康熙十六年。從寧海將軍喇哈達等。征勦福建海寇。敗僞總督趙得勝。僞將軍何祐等。於太平山。十七年。僞將軍劉國軒等來犯海澄。莫羅渾往拒力戰。歿於陣。十九年。加贈世職爲一等阿達哈哈番。色勒布者。薩鈕次子也。崇德一二年。始襲父職。順治元年十一月。從定國大將軍豫親王多鐸南征。擊流寇於潼關山寨。屢敗其衆。又於關外。以殿後擊賊連敗之。二年至江南。有土寇圍溧陽縣。色勒布隨固山額真公圖

賴往擊破之。旋委守瓜州渡口。有賊來犯。率本固山兵却之。從攻江陰縣。中火礮歿。三年議卹。加贈世職為三等甲喇章京。子額色襲。七年九年三遇。

恩詔。加世職至一等阿達哈哈番。又一拖沙喇哈番。十年。額色隨定遠大將軍貝勒屯齊征湖南。於沙路口擊偽秦王孫可望馬步兵。敗之。康熙十三年。隨征逆藩吳三桂。由陝西進川。五月。隨前鋒統領穆占。敗偽葉總兵於陽平關。又破偽總兵石存禮於朝天關。又擊賊帥王屏藩。鄭蛟麟。吳

之茂等。於蟠龍山。娘娘廟。槐樹驛。小梅嶺。龍潭驛等處。俱在事有功。十七年議敘。加世職至二等阿思哈尼哈番。卒。子額爾敏襲。

克勒。滿洲正紅旗人。天聰元年。從大兵征朝鮮。攻義州。同二十人立雲梯攻城。克勒以第二人先登有功。七年隨貝勒岳託等征明。克旅順口。率舟師先進。尋往征北京。攻長城。入邊。仍以第二人先登。崇德三年。隨貝勒杜度等征明。攻禹城縣。不藉雲梯。先衆登城。拔之。四年敘功。授半個前程世職。同旗有武喇濟者。亦於是役攻任

邱縣不待雲梯奮勇先登拔之敘功授半個前程世職。

商堅和洛滿洲正紅旗人。姓董鄂氏。天聰七年。以備禦世職隨大兵征北京。敵人來攻灤州。欲毀正黃旗所守城垣。商堅和洛往擊敗之。獲其二纛以歸。再出戰。被創傷目。是年六月。隨征明旅順口。以固山大率每牛录甲兵十名。運送船板。無一損者。又以造船濟師。著有勞績。我師被圍甕城。岳樂順率兵往援。奮勇先登。商堅和洛繼之。岳樂順被創撲地。商堅和洛掖之以還。敘

功。加半個前程世職。九年。隨霸奇蘭薩木什哈。征薩哈連烏喇。屢戰有功。加世職爲三等甲喇章京。崇德三年卒。同旗有列列渾者。以五品章京從征海州等處。在事有功。授牛录章京世職。阿哈瞻滿洲正紅旗人。姓吳蘇氏。世居海蘭地方。天聰七年。隨大兵征明至大同。督率本甲喇兵進攻。有兵名尼喀里者先登。遂克其城。取之。八年敘功。授半個前程世職。順治七年九年。三遇

恩詔。加至三等阿達哈哈番。同旗有童阿圖者。天聰八

年從征科爾沁。遂入明邊。至大同攻德興堡城。繼尼喀里。以第二人登城克之。

賜巴圖魯號。授牛錄章京世職。順治七年九年。三遇恩詔。加至二等阿達哈哈番。

庫色納。滿洲正紅旗人。姓西克忒禮氏。世居卦爾察地方。父和托巴顏。於

太祖高皇帝時。率五百戶來歸。授半個前程世職。天聰八年五月卒。庫色納襲父職。隨征松阿里烏喇。獲喀穆善巴顏子。及村長格婁等人丁四十一名。順治二年。駐防西安府。有流賊何進引兵來

犯。率本旗兵擊敗之。賊復結橋侵正紅旗汛地。仍率兵往禦。毀其橋。連敗之。二年。隨覺善征山東土寇。擊賊於齊河平陰等縣。累有戰功。尋往駐防西安府。賊渠魏天明於黃勞山立營作亂。庫色納率本旗兵破之。旋聞陳總兵麾下甘叅將郝中軍晉回子。以兵三千叛。卽率每旗兵各一百名進擊。勦殺甚衆。獲甘叅將斬之。又敗賊衆於綏德州。攻克葭州。七年九年。三遇

恩詔。加世職至三等阿達哈哈番。十三年敘前功。加爲二等阿達哈哈番。



傅哈納滿洲正紅旗人。姓格濟勒氏。世居綏分地方。天聰八年。以辦事有能。不違指使。授牛朶章京。世職。九年。隨霸奇蘭薩木什哈。征黑龍江有功。加半個前程。崇德三年。任工部理事官。順治元年。任熊嶽城守官。七年。遇

恩詔。加世職為三等阿達哈哈番。卒。弟之子傅爾護襲職。九年。兩遇

恩詔。加至一等阿達哈哈番。緣事革本身

恩詔。所得拜他喇布勒哈番。餘三等阿達哈哈番。弟武達闡襲。順治十四年。武達闡隨定遠大將軍世

子濟度。征福建海賊。偕鄂泰巴圖魯。擊賊於福前所等處。破其舟師。偽總兵官黃常。偽護明侯林思。偽提督吳正等。復引舟師來犯。敗之於敖斗。進攻廈門。力戰陣亡。康熙二年。議卹。加贈世職。為二等阿達哈哈番。

察爾器。滿洲正紅旗人。其祖布爾杭俄。係葉赫西城貝勒。

太祖高皇帝克葉赫時來歸。天聰八年。分別諸臣功績。以布爾杭俄雖無軍功。原係貝勒。准與勲臣同等。授三等副將。世職。尋卒。以察爾器父格霸庫

襲職。順治七年九年。三遇。

恩詔。加世職。至二等阿思哈尼哈番。兼一拖沙喇哈番。

尋以布爾杭俄世職。分與弟朱孔額襲。格霸庫  
祇襲。

恩詔所得。拜他喇布勒哈番。兼一拖沙喇哈番。格霸庫

卒。子察爾器襲職。康熙三十五年。隨撫遠大將  
軍伯費揚古。征厄魯特噶爾丹。由西路進兵。敗  
敵有功。加一拖沙喇哈番。合爲三等阿達哈哈  
番。

吳爾哲。滿洲正紅旗人。姓博爾濟吉特氏。其父

彌賽。係蒙古吳喇忒貝子。天聰八年。率所部來  
歸。授三等甲喇章京。世職。順治元年。以年老致

仕。吳爾哲襲父職。是年四月。從睿王多爾袞入  
山海關。擊流賊破之。十一月。隨豫親王多鐸南  
征。師抵潼關。同固山額真恩格圖殿後。敗流寇  
兵二次。二年。隨貝勒博洛抵杭州。有賊兵自湖  
州府來犯。同充阿擊却之。僞秦總兵率衆四路  
來犯。復同充阿奮擊敗其衆。三年。敘功。加世職  
爲二等甲喇章京。七年九年。三遇。

恩詔。加至三等阿思哈尼哈番。卒。子巴拜襲職。康熙二

十年。隨征南大將軍賴塔。征逆孽吳世璠。由廣西進雲南。奪黃草壩。直抵雲南省城。同三路大兵平定雲南。在事有功。加世職為二等阿思哈尼哈番。  
邦納密。滿洲正紅旗人。姓塔塔兒氏。世居瓦爾喀地方。其父馬福塔巴圖魯。因居朝鮮。遂為所屬。崇德元年。平定朝鮮時。偕葉臣率百餘戶來歸。

賜蟒袍一。黑貂帽一。五年。授牛錄章京世職。卒。邦納密襲父職。順治元年四月。從睿王多爾袞入山海關。

關。偕甲喇章京鈕尼哈。擊敗流賊。又偕和碩額駙杜雷。追流寇至慶都縣。大殲之。十一月。隨定國大將軍豫親王多鐸南征。追流寇至潼關。擊其山寨。連敗賊兵。二年。敘功。加半個前程。世職。三年。隨定國大將軍豫親王多鐸。征騰機思。率本甲喇兵破賊。七年。九年。三遇。

恩詔。加至二等阿達哈哈番。十八年。隨定西將軍愛星阿。征雲南。入緬城。獲偽桂王。在事有功。康熙三年。敘功。加一拖沙喇哈番。十四年。緣事削。

恩詔。所得世職。餘三等阿達哈哈番。以其兄尚祿襲。

阿晉泰。滿洲正紅旗人。姓瓜爾佳氏。世居哈達地方。崇德三年。隨揚威大將軍貝勒岳託。證明。用雲梯攻隆平縣。繼希佛。以第二人登城克之。四年。敘功。授半個前程。世職。順治七年。遇

恩詔。加至拜他喇布勒哈番。卒。以其兄子阿爾泰襲職。

尋卒。以阿爾泰父阿哈尼堪襲。九年。遇

恩詔。加一拖沙喇哈番。覺何託。阿哈尼堪次子也。初襲

父職。康熙十四年。隨撫遠大將軍信郡王鄂札。討察哈爾布爾尼。至大魯地方。敗賊有功。加一拖沙喇哈番。合原世職。為三等阿達哈哈番。

哈禮。滿洲正紅旗人。崇德三年。隨貝勒杜度等。證明。至山東。用雲梯攻禹城縣。奮勇先登。授半個前程。卒。子博濟襲。順治七年。九年。三遇

恩詔。加至三等阿達哈哈番。十六年。博濟從征偽桂王

於貴州。凱旋至江南。值海賊鄭成功陷鎮江。直犯江寧。博濟同本地官兵連擊敗之。敘功。加授一等阿達哈哈番。後緣事革去本身所得世職。將伊父之拖沙喇哈番。與其弟花善襲。康熙十七年。花善從討逆將軍鄂內。征逆藩吳三桂。至湖廣。擊偽將軍陶繼志。劉之復。張乾元。於夔陵

等處。旋調往陝西征叛鎮王輔臣。敗其子偽總兵王繼正。並在事有功。二十五年敘功。加一拖沙喇哈番。合原襲世職。爲拜他喇布勒哈番。覺羅圖蘭。滿洲正紅旗人。初任牛录章京。崇德四年。隨噶喇昂邦曹海薩木什哈。征薩哈連烏喇。自吳速喇庫往掠。獲壯丁二十九人。又擊敗奔波果爾之兵。六年。隨鄭親王濟爾哈朗。征明圍錦州。同梅勒章京安達禮。敗敵二次。明經畧洪承疇。率兵來援。圖蘭隨固山額真葉克舒。敗其衆。順治元年。從睿王多爾袞入山海關。破流

賊。二年敘功。授牛录章京。世職。後改入鑲藍旗。哈寧阿。滿洲正紅旗人。姓塔塔兒氏。崇德五年。以擺牙喇甲喇章京。從大兵征明。圍錦州。偕梅勒章京季什哈。沙蘇哈。夜攻關角。遇敵大破之。敵兵復自松山來犯。復率所部擊却之。敵分兵三隊來援。復同燾章京敦拜分擊。並敗之。六年。再圍錦州。敵兵自松山來襲我紅衣礮。哈寧阿擊却之。又同燾章京羅璧。梅勒章京安達理。防守木魯河。敵人自錦州城引兵出犯。哈寧阿奮勇直入。大破之。追殺無算。八年。從征黑龍江。圍

努勒噶兒村。三日下其城。獲壯丁九十人。順治元年。從睿王多爾袞入山海關。破流寇。追殺至慶都縣。二年。敘功。授牛录章京。世職。卒。以其子韓儲翰襲。三年。隨揚威大將軍豫親王多鐸。追喀爾喀騰機思。擊土謝圖汗。被創五處。遂歿於軍。尋議卹。贈牛录章京。世職。合伊父世職。爲三等甲喇章京。

楊艾。滿洲正紅旗人。崇德五年。以擺牙喇甲喇章京。從鄭親王濟爾哈朗等。征明。圍錦州。攻松山。敗敵二次。又隨豫親王多鐸。伏桑阿爾寨。用

計破塔山兵。六年。掘壕圍松山。敵兵來犯。鏖黃旗汛地。楊艾率擺牙喇兵直衝壕邊。步戰却之。順治元年。隨睿王多爾袞入山海關。擊流寇。追殺至慶都縣。二年。敘功。授牛录章京。世職。同旗有牛尼哈者。初任牛录章京。崇德六年。從鄭親王濟爾哈朗。征明。圍錦州。敵人夜襲我諾慕奇營。環圍之。牛尼哈率師擊敗敵兵。援諾慕奇。以出。順治元年。從睿王多爾袞入山海關。隨固山額真杜雷。破流寇有功。二年。議敘。授牛录章京。世職。四年。任戶部理事官。五年。以辦事稱職。加

一拖沙喇哈番。七年九年。三遇。

恩詔。加至一等阿達哈哈番。又有布爾遜者。初任牛录章京。亦隨鄭親王濟爾哈朗等。征明。圍錦州。以哨探前行。遇敵兵拒戰。同阿克善擊敗之。進攻杏山。同甲喇章京敦拜。敗敵騎兵。又率本甲喇兵。同圍松山。偕赫牛先入。敗敵二次。明杏山騎兵至。偕噶布喇却之。隨葉克舒追敵。先衆殺入敵隊。有功。順治元年。隨睿王多爾袞入山海關。破流寇。二年敘功。授牛录章京。世職。七年九年。三遇。

恩詔。加至二等阿達哈哈番。

阿岱。滿洲正紅旗人。姓瓜爾佳氏。世居雅爾古地方。崇德五年。以蘇喇章京從征錦州。松山有功。順治元年。又隨睿王多爾袞入山海關。擊敗流寇。始敘功。授半個前程。世職。七年九年。三遇。恩詔。加為三等阿達哈哈番。仕至寧古塔將軍。長子雅親。由寧古塔協領。征察哈爾有功。授拖沙喇哈番。世職。後因招降鄂羅斯功。又加一拖沙喇哈番。

色勒布。滿洲正紅旗人。姓薩爾圖氏。世居庫察。

蘇地方。初以噶布什賢轄。從噶喇昂邦西忒庫。追哈木尼哈葉雷。不違指授。敗敵有功。崇德六年。從大兵征明圍錦州。同胡里布擊敗松山敵兵。順治元年。隨睿王多爾袞入山海關。擊流寇。偕道喇等破偽總兵唐通於一片石。又追流寇至慶都。擊賊馬步兵。大殲之。六月。隨固山額真葉臣。往平山西。攻太原府。同多莫格圖擊榆林渡口賊。敗之。至陝西。擊延安府賊兵。連敗之。師旋。色勒布殿後。敗賊邵章兵千餘。復率兵攻賊營。破之。二年。隨平南大將軍貝勒勒克德渾。征

湖廣。至承天府。獲賊船數艘。斬殺甚衆。又偕固山額真巴特瑪。往尋賊踪。敗偽王副將兵四千餘。是年復隨定西大將軍何洛會。征四川。三敗流賊。生擒十六人。五年。以功授拖沙喇哈番世職。七年。遇

恩詔。加為拜他喇布勒哈番。仕至副都統。同旗有壯大胡什者。亦於是役在事有功。授拖沙喇哈番世職。

滿岱。滿洲正紅旗人。初任牛录章京。崇德八年。隨鄭親王濟爾哈朗。征明。攻前屯衛。破敵有功。



順治元年。從睿王多爾袞入山海關。擊流寇。追至慶都縣。大殲之。二年。敘功。授半個前程。世職。孫巴喀。雍正七年。以前鋒叅領兼拖沙喇哈番。從靖邊大將軍公傅爾丹。征準噶爾。力戰陣亡。卹贈一拖沙喇哈番。

賜祭葬如典禮。

尼牙哈納。滿洲正紅旗人。崇德八年。從奉命大將軍貝勒阿巴泰。征明。過北京。以雲梯攻河間府。奮勇先登。克其城。

賜巴圖魯號。授三等甲喇章京。世職。順治七年。九年。三

遇

恩詔。加至二等阿達哈哈番。孫阿哈碩色。雍正七年。以二等阿達哈哈番兼佐領。從征準噶爾。於九年六月。在和通胡爾哈諾爾地方。力戰陣歿。卹贈一拖沙喇哈番。

賜祭葬如典禮。

羅多渾。滿洲正紅旗人。姓何舍里氏。世居葉赫地方。崇德八年。隨貝勒杜度。征明。至山東。以雲梯攻剡城縣。先登拔之。授半個前程。世職。順治元年。四月。隨睿王多爾袞。入山海關。偕牛尼哈

八旗通志 卷二百六  
步戰擊流寇馬步兵敗之。五月從固山額真葉臣等征山西攻太原府。敗賊二次。三年敘功。加世職爲牛叅章京。七年九年三遇。

恩詔。加至二等阿達哈哈番。

達陽阿巴圖魯。滿洲正紅旗人。崇德八年從奉命大將軍貝勒阿巴泰征明。過北京。以雲梯攻永清縣。奮勇先登。克其城。

賜巴圖魯號。授牛叅章京世職。順治七年九年三遇恩詔。加世職至二等阿達哈哈番。同旗有晉達理者。亦是役。繼達陽阿登城拔之。授半個前程世職。

順治七年九年三遇

恩詔。加至三等阿達哈哈番。又有岳鼎者。亦於是役。以雲梯攻河間府。繼尼牙哈納。以第二人登城。

賜巴圖魯號。授牛叅章京世職。又有滿丕者。亦於是役。繼岳鼎以第三人登城。

賜巴圖魯號。授牛叅章京世職。

布爾思海。滿洲正紅旗人。姓何舍里氏。世居葉赫地方。其父拜音達禮。於

國初管牛叅事。布爾思海於順治元年。從睿王多爾袞入山海關。征流寇。隨葉克舒擊賊有功。二

年授半個前程世職。七年九年三遇。

恩詔。加至三等阿達哈哈番。官至副都統兵部侍郎。同旗有克布圖者。亦於是役。以牛朶章京。從征在事有功。授半個前程世職。七年九年三遇。

恩詔。加至三等阿達哈哈番。

科拖拜。滿洲正紅旗人。姓吳蘇氏。世居海河地方。初任牛朶章京。順治元年。從睿王多爾袞入山海關。同甲喇章京法譚。敗流寇馬步兵有功。二年議敘。授半個前程世職。七年遇。

恩詔。加為拜他喇布勒哈番。卒。子科爾兌襲職。順治十

一年。科爾兌隨寧海大將軍宜爾德。征浙江舟山。擊偽英毅伯阮思等。偕梅勒章京柯永榛。敗其眾。偽總制陳六御等率眾來拒。復偕梅勒章京根特擊敗之。十四年敘功。加一拖沙喇哈番。康熙三十五年。從撫遠大將軍伯費揚古征厄魯特噶爾丹。由西路進兵有功。又加一拖沙喇哈番。合為三等阿達哈哈番。

科諾潤。巴圖魯。滿洲正紅旗人。姓覺察氏。世居吳蘇里地方。隨昂邦章京福喀禪。取甘州。首先登進。克其城。

賜巴圖魯號。授拜他喇布勒哈番世職。遇

恩詔。加至三等阿達哈哈番。同旗有單都蘭者。順治六

年。從征大同。叛鎮姜瓖。以火礮攻渾源州。於擊

破之處先登。克其城。

賜巴圖魯號。授拜他喇布勒哈番世職。七年九年。三遇

恩詔。加至三等阿達哈哈番。

蘇雅。滿洲正紅旗人。順治元年。從豫親王多鐸

南征。破流寇。二年。隨貝勒博洛征浙江。用火礮

攻嘉興府城。蘇雅於攻破處奮勇先登。克其城。

三年。敘功。授半個前程世職。七年九年。三遇

恩詔。加至三等阿達哈哈番。同旗有名秋者。姓惠和氏。

世居富爾堅哈達地方。順治二年。從饒餘郡王

阿巴泰征山東。攻淄川縣。奮勇先登。克其城。敘

功。授半個前程世職。七年九年。三遇

恩詔。加至三等阿達哈哈番。又有莽炳布爾善者。亦於

是役。登城有功。授半個前程世職。七年九年。三

遇

恩詔。加至三等阿達哈哈番。

訥雷。滿洲正紅旗人。順治二年。任甲喇章京。從

豫親王多鐸南征。隨固山額真準塔至江南。連

破偽侯劉澤清於淮安湖口橋。三里橋。如臯縣等處。三年。隨豫親王多鐸征騰機思。擊土謝圖汗。及碩羅汗兵。俱大敗之。以功授拖沙喇哈番。七年九年。三遇

恩詔。加至三等阿達哈哈番。

覺羅多爾計。滿洲正紅旗人。

景祖皇帝第三兄之三世孫也。順治四年。奉

旨推恩宗室。授半個前程世職。七年九年。三遇

恩詔。加至三等阿達哈哈番。十一年。隨寧海大將軍宜

爾德。征浙江舟山。偽英毅伯阮思等。率舟師來

犯。同委署梅勒章京根特擊敗之。又同梅勒章京柯永榛。敗偽總制陳六御等舟師三萬餘人。十四年。敘功。加至二等阿達哈哈番。

尼雅哈齊。滿洲正紅旗人。姓惠和氏。世居富爾堅哈達地方。順治二年。以委署章京。從征流寇有功。五年。隨征南大將軍譚泰。討江西叛鎮金聲桓。屢敗賊衆。斬獲無算。又擊賊於九江府。敗其兵三千餘。十二年。隨護軍統領卓鼐。敗賊於

荊州。累功。授拖沙喇哈番世職。同旗有南岱者。姓朱蘇氏。世居安處拉庫地方。順治五年九月。

隨鄭親王濟爾哈朗征湖廣流賊。至寶慶府。擊賊。斬殺甚衆。克寶慶府城。以功授拖沙喇哈番。世職。七年九年。三遇。

恩詔。加至拜他喇布勒哈番。又一拖沙喇哈番。覺羅高麗。滿洲正紅旗人。

景祖皇帝第三兄之三世孫也。順治四年。奉

旨推恩宗室。授半個前程。世職。七年九年。三遇。

恩詔。加至三等阿達哈哈番。十五年。隨征偽桂王。至靖州。有偽總兵田國欽。黃世貴等欲降。以賊勢衆多。遣人預報。高麗隨燾章京鄂內。往迎。擊敗賊

兵二千餘。又連敗偽總兵羅大順於十萬崎山。十六年。師旋至江南。值海賊鄭成功引賊兵三萬進逼江寧。高麗隨梅勒章京噶褚哈會同本地官兵敗之。十七年。敘功。加世職爲二等阿達哈哈番。卒。以其弟色爾圖襲職。康熙十四年。色爾圖隨定西大將軍董額。征陝西叛鎮王輔臣。在平京府陣亡。加贈世職爲一等阿達哈哈番。色冷。滿洲正紅旗人。姓博爾濟吉特氏。順治十一年。隨靖南將軍朱瑪喇征廣東。擊敗偽安西王李定國於新會縣。僞都督吳三省等引兵來

援。又擊敗之。十三年敘功。授拖沙喇哈番。卒。以其子塞靖寇襲職。初塞靖寇之祖拜音岱。係蒙古吳喇忒貝子。天聰八年。率所部來歸。授二等甲喇章京世職。卒。以塞靖寇之叔父卓爾機襲職。順治七年九年。三遇

恩詔。加至三等阿思哈尼哈番。卒。以綽爾機之孫西拉襲。卒。塞靖寇襲其職。至是併襲父職。合為三等阿思哈尼哈番。兼一拖沙喇哈番。十六年。隨定南將軍希爾根。征逆藩耿精忠。至江西撫州府。擊賊於鍾家嶺。力戰陣亡。二十五年議卹。加贈

世職為一等阿思哈尼哈番。

尼堪。滿洲正紅旗人。順治十六年。以委署壯大。從征偽桂王於貴州。七月師旋至江南。值海賊鄭成功引舟師二萬餘陷鎮江。逼江寧。尼堪隨梅勒章京噶褚哈。會同本地官兵。擊敗之。敘功。授拖沙喇哈番世職。同旗有穆成格者。姓何舍里氏。以分得撥什庫。從征貴州。亦於是役。在事有功。授拖沙喇哈番世職。





噶哈

布利克

蓋壽

綽奇

奇琳

談台

渾拖和

陀穆拜

多賚

卓延

隨哈達

顧爾馬渾

桑阿布

喀爾

噶爾珠

希禮布

希泰

司川

倭和訥

胡錫屯

雅錫圖

覺羅吳達禮

艾木布

伍通寶

胡巴

克錫屯

胡什布

阿爾泰

蒙五

烏林朴

唐五禮

赫色

索爾科

薩哈

見名臣多濟理

謨達

巴克山

胡葉

見名臣葉克舒傳

阿機賴

見名臣安達

瑚錫布

弼素理

見名臣布丹

巴漢

見名臣代松阿傳

翰雲

見名臣傑殷傳

安珠瑚

見名臣寧古里

阿海

見忠烈貴穆臣

薩來

見忠烈噶來傳

鈕鈕

見忠烈莫洛洪

沙欣

見忠烈尚吉圖傳

席錦泰

見忠烈薩音

席爾門

見忠烈伊藍泰

薩音巴禮。滿洲正紅旗人。順治二年。隨貝勒博洛征福建。攻浦城縣。奮勇先登。克其城。授半個前程世職。卒。以其兄子哈因圖襲職。康熙三十五年。哈因圖隨撫遠大將軍伯費揚古。征厄魯特。噶爾丹。敗賊於昭莫多地方。有功。授一拖沙喇哈番。合原世職。爲拜他喇布勒哈番。翁俄代。滿洲正紅旗人。順治十一年。以牛錄章京。隨寧海大將軍宜爾德。征僞魯王。至浙江舟山。敗僞總制陳六御。僞英毅伯阮思等於海上。康熙十七年。隨征逆藩耿精忠。至江西。敗賊於

新店地方。又敗偽將軍陳堯元。李茂珠等於江坑嶺。時逆藩吳三桂遣偽將軍韓大任。破吉安府。退據老虎洞拒敵。翁俄代隨護軍統領哈克山擊敗之。又隨征南將軍穆占。敗偽將軍馬寶。胡國柱等於永興。又敗偽范將軍於折李橋地方。並在行間有功。二十五年。議敘。授拖沙喇哈番世職。同旗有護軍校專塔。禪布者。並以是役在事有功。授拖沙喇哈番世職。

索爾和。滿洲正紅旗人。姓何舍里氏。世居穆哈連地方。順治十一年。以壯大。隨寧海大將軍宜

爾德。征浙江舟山。擊偽英毅伯阮思。偽總制陳六御等。破其舟師。康熙十三年。隨前鋒統領穆占。征四川。進取朝天關。敗偽總兵石存禮。破三十餘營。尋以病卒於軍。十六年。敘功。贈拖沙喇哈番世職。同旗有西米那者。姓格濟勒氏。世居綏分地方。康熙三年。以護軍。隨定西將軍圖海等。征湖廣流賊。至茅麓山。破賊有功。授拖沙喇哈番世職。官至杭州協領。

努賽。滿洲正紅旗人。順治十四年。以壯大。從寧南靖寇。大將軍宗室羅託。征偽桂王。至荊州。有

偽總兵田國欽黃世貴等欲投誠爲賊兵阻撓。努賽率兵往敗賊衆。受其降。十五年。師抵貴州。敗賊偽總兵羅大順三萬衆於十萬崎山。康熙十五年。從征逆藩吳三桂至湖廣。擊偽將軍吳國貴於白水石地方。大敗之。又敗偽范將軍於折李橋。十九年。至廣西。隨都統希佛等。破偽將軍范齊韓詹仰等。於柳州陶屯地方。二十年。隨征南大將軍賴塔進雲南。敗偽將軍何繼祖等。奪黃草壩。直抵雲南省城。會同三路大兵。平定逆孽吳世璠。又隨都統希佛。追偽將軍馬寶。巴

養元於烏木山。敗之。二十五年。敘功。授拖沙喇哈番世職。

阿鈕滿洲正紅旗人。姓瓜爾佳氏。世居哈達地方。康熙十三年。以驍騎校從征逆藩吳三桂。由陝西進四川。隨前鋒統領穆占等。敗偽將軍王屏藩。鄭蛟麟。吳之茂於盤龍山。娘娘廟。張飛廟。槐樹驛。小梅嶺。龍潭驛等處。並在行間有功。進取涇州。敗偽副將張有才。劉進邦等。十四年。從征叛鎮王輔臣。敗其子王繼正於延關。師抵秦州。敗劫糧賊兵於牡丹園。又敗王屏藩兵於醴

縣隨副都統鄂太。敗偽將軍陳君極於益門鎮。二十五年敘功。授拖沙喇哈番世職。同旗有佐領代納。驍騎校哈朗阿。阿必圖者。並以是役在事有功。授拖沙喇哈番世職。  
覺羅巴濟納。滿洲正紅旗人。

景祖皇帝第三兄之曾孫也。康熙十三年。以七品官隨征逆藩吳三桂。至江西。敗偽總兵羅托拖周門子於寧州。又擊偽總兵武二袁四等。大敗其眾。偽總兵王啓臣來侵鑲藍旗營汛。率兵擊却之。十九年。隨都統希佛等。進征逆孽吳世璠。敗賊

將范齊韓。馬成烈。於柳州之陶屯。二十年。偽將軍何繼祖。王弘勳等。據石門坎。隨征南大將軍賴塔擊破之。奪其隘。直抵雲南省城。平定逆孽。在事有功。二十五年議敘。授拖沙喇哈番世職。顧爾拜。滿洲正紅旗人。姓納蘭氏。世居哈達地方。康熙十四年。以護軍校。隨信郡王鄂扎討叛逆察哈爾布爾尼。屢敗賊眾。十七年。隨征逆藩吳三桂。至湖廣。破偽將軍杜輝。巴養元。江義等舟師。於洞庭湖之柳林嘴。君山。陸石等處。十八年。隨安遠靖寇大將軍貝勒察尼。恢復湘陰縣。

三十年。至雲南克省城。又隨都統希佛等。追偽將軍馬寶。巴養元。至烏木山大破之。二十五年。敘功。授拖沙喇哈番世職。同旗有六品官薩哈納者。亦於是役。在事有功。陞授拜他喇布勒哈番世職。

吳爾哈圖。滿洲正紅旗人。姓納蘭氏。世居哈達地方。康熙十四年。以護軍校從定南將軍希爾根。征逆藩耿精忠。至江西。擊賊帥邵連。登於建昌府長興山。大敗其眾。十五年。隨安親王岳樂。征逆藩吳三桂。破偽將軍夏國相。李良棟。於萍

鄉縣之來龍山。又敗偽總兵揭遇卿。副將嚴鎮寶等。進兵湖南。又敗偽將軍吳應麒。張祖法於沅州。二十年。隨征南將軍穆占。進貴州。破偽將軍張祖法。夏國相等。恢復平越府。二十五年。敘功。授拖沙喇哈番世職。

外清。滿洲正紅旗人。康熙十四年。隨征逆藩吳三桂。以軍功。授拖沙喇哈番世職。三十五年。隨撫遠大將軍伯費揚古。由西路征厄魯特噶爾丹。復有功。加世職。為拜他喇布勒哈番。同旗有護軍校伍納哈。驍騎校華善。署驍騎校安布者。

並以是役。在事有功。授拖沙喇哈番世職。席特庫。滿洲正紅旗人。康熙十四年。以護軍校從征逆藩吳三桂。由陝西進取綏德州。偽遊擊黃文英引兵萬餘。據虎兒崖要路。擊破之。叛鎮王輔臣子偽總兵王繼正。率馬步兵自平涼來犯。復擊敗之。又敗賊陳總兵。彭總兵。於風高嶺。在事有功。三十四年。隨撫遠大將軍伯費揚古。征厄魯特噶爾丹。敗之於昭莫多地方。三十七年。敘功。授拖沙喇哈番世職。

拖代。滿洲正紅旗人。康熙十四年。隨信郡王鄂

札。征叛逆察哈爾布爾尼賊。至大魯地方。過山谷。遇伏兵。力戰連擊敗之。二十年。隨征南大將軍賴塔。由廣西進雲南。征逆孽吳世璠。敗偽將軍何繼祖等於石門坎。黃草壩。直抵雲南省城。會同三路大兵。平定逆孽。又隨都統希佛等。追勦偽將軍馬寶。巴養元。於烏木山。敗之。二十五年。以功授拜他喇布勒哈番。又一拖沙喇哈番世職。卒。子拖山保襲職。康熙三十五年。拖山保隨撫遠大將軍伯費揚古。征厄魯特噶爾丹。由西路前進。敗敵有功。加世職。至三等阿達哈哈

番。

喀賴滿洲正紅旗人。康熙十四年。以委署叅領。從征逆藩耿精忠。至浙江。敗僞叅將鄭文鼎。徐元等。於石塘地方。又隨平南將軍賴塔。敗僞總兵劉秉仁。僞將軍馬九玉等。於半山嶺。草坪關。諸處。十五年。敗賊於鳳凰洲。激水湍山。又敗僞總兵官仇弘。如兵數千衆。於蜈蚣山。十八年。敗海寇僞將軍劉國軒。吳淑。兵二萬餘。於郭塘山。崖。又敗劉國軒兵八千餘。於流水寨。並隨賴塔。進戰有功。二十年。賴塔授征南大將軍。由廣西

進雲南。征逆孽吳世璠。敗僞將軍何繼祖。王弘勳等。奪石門坎。破黃草壩。直抵雲南省城。平定逆孽。喀賴並隨三路大兵。進戰。康熙二十五年。敘功。授拜他喇布勒哈番世職。

兆賚。滿洲正紅旗人。康熙十四年。從征逆藩吳三桂。累有軍功。得功牌二。康熙三十五年。隨撫遠大將軍伯費揚古。征厄魯特噶爾丹。於昭莫多地方。敗賊有功。授拖沙喇哈番世職。官至護軍統領。同旗有瓦色者。亦於是役。在事有功。授拖沙喇哈番世職。仕至護軍叅領。



八旗通志 卷二百  
噶哈滿洲正紅旗人。康熙十四年。以委署護軍統領。隨撫遠大將軍信郡王鄂扎。討叛逆察哈爾布爾尼。於大魯地方。累敗賊衆。敘功。授拖沙喇哈番世職。同旗有七品官布利克。蓋壽。護軍校綽奇。奇琳者。並以是役在事有功。授拖沙喇哈番世職。五品武人。康熙十四年。以委署護軍談台。滿洲正紅旗人。姓惠和氏。世居富爾堅哈達地方。康熙十三年。以七品官。隨征逆藩吳三桂。二十年賊平。二十五年敘功。授拜他喇布勒哈番世職。同旗有渾拖和者。姓索佳氏。世居葉

赫地方。亦以從征吳逆。敗賊於秦州保寧等處有功。授拖沙喇哈番世職。

陀穆拜。滿洲正紅旗人。康熙十四年。以委署護軍校。隨撫遠大將軍信郡王鄂扎。征叛逆察哈爾布爾尼。於大魯地方。屢敗其衆。十七年。從討逆將軍鄂內。征湖廣。擊賊偽將軍杜輝。巴養元。舟師於洞庭湖。柳林嘴。陸石口。君山。湘陰等處。屢戰有功。又破偽楊總兵熊。總兵軍三千餘。於沿溪地方。敘功。授拖沙喇哈番世職。同旗有護軍校多賚者。亦於是役在事有功。授拖沙喇哈

八旗通志 卷一百七  
番世職。

卓延。滿洲正紅旗人。初以護軍校從撫遠大將軍圖海。征陝西叛鎮王輔臣子王繼正。率馬步兵萬餘。於平涼北護山墩地方。排列拒敵。卓延奮勇擊敗之。康熙二十年。隨征南大將軍賴塔。由廣西征逆孽吳世璠。擊賊僞將軍何繼祖。王弘勳等。於石門坎黃草壩。進抵雲南省城。會三路大兵破賊。俱有功。二十五年。議敘。授拖沙喇哈番世職。同旗有護軍校隨哈達。委署護軍校顧爾馬渾。桑阿布。喀爾奇塔。碩爾和。驍騎校孫

達禮者。並以是役在事有功。授拖沙喇哈番世職。

噶爾珠。滿洲正紅旗人。康熙十四年。以七品官

隨定遠平寇大將軍安親王岳樂。征逆藩耿精

忠。至江西。有賊帥邵連登。統僞都督九人。引賊

八萬於建昌府長興山。據河兩岸。結營拒戰。噶

爾珠隨定南將軍希爾根。敗之。破其營。十五年。

隨安親王岳樂。征逆藩吳三桂。由袁州往湖廣

敗僞將軍夏國相李良棟。於萍鄉縣之來龍山。

十六年十月。隨副都統阿晉泰。敗僞總兵解先

八旗通志 卷二百七 十一  
聲。僞副將朱名勝。於瀏陽縣之北山。並在行間  
有功。二十五年議敘。授拖沙喇哈番世職。同旗  
有護軍校希禮布者。並以是役在事有功。授拖  
沙喇哈番世職。

希泰。滿洲正紅旗人。康熙十八年。以委署護軍  
校。從平南將軍賴塔。勦海寇僞將軍劉國軒等。  
於福建之夏坑。歐溪。郭塘等處。屢敗之。二十年。  
賴塔授征南大將軍。進征雲南。逆孽吳世璠。至  
廣西。西隆州。敗僞將軍何繼祖等。於石門坎。黃  
草壩。平定雲南。希泰仍隨征。在事有功。二十五

年議敘。授拖沙喇哈番世職。

司川。滿洲正紅旗人。康熙十九年。以委署叅領。  
隨征南大將軍賴塔。由廣西進雲南。征逆孽吳  
世璠。二十年正月。敗僞將軍何繼祖。王弘勳等。  
奪石門坎。黃草壩。進抵雲南省城。會同三路大  
兵。平定雲南。在事有功。二十五年議敘。授拜他  
喇布勒哈番世職。同旗有護軍校倭和訥。委署  
護軍校胡錫屯。驍騎校雅錫圖者。並以從征吳  
逆。在事有功。授拖沙喇哈番世職。

覺羅吳達禮。滿洲正紅旗人。

景祖皇帝第三兄之曾孫也。康熙十九年，以七品官隨征南大將軍賴塔。由廣西往定雲南，敗偽將軍何繼祖等於黃草壩。師抵雲南省城，會同三路大兵平定逆孽吳世璠。並在行間有功。二十五年議敘，授拖沙喇哈番世職。三十五年，從撫遠大將軍伯費揚古征厄魯特噶爾丹。由西路進兵，敗賊有功。三十六年議敘，加世職為拜他喇布勒哈番。同旗有艾木布者，姓費莫氏，世居薩褚庫地方。康熙二十年，以驍騎校隨征南大將軍賴塔。由廣西進雲南，征逆孽吳世璠，破偽將

何繼祖

軍何繼祖，王弘勳於黃草壩地方，直抵雲南省城。隨三路大兵平定逆孽。三十五年，隨撫遠大將軍伯費揚古征厄魯特噶爾丹。於昭莫多大敗賊眾。三十七年敘功，授拖沙喇哈番世職。同旗有空銜佐領勒赫者，亦於是役在事有功，授拖沙喇哈番世職。

伍通寶，滿洲正紅旗人，姓佟佳氏，世居佟佳地方。康熙二十年，以護軍校隨征南大將軍賴塔。由廣西進雲南，征逆孽吳世璠，擊偽將軍何繼祖等於石門坎黃草壩。師抵雲南省城，會同三

路大兵平定雲南。又隨都統希佛等。追僞將軍馬寶。巴養元。於烏木山。敗之。二十五年。敘功。授拜他喇布勒哈番世職。三十五年。隨撫遠大將軍伯費揚古。由西路征厄魯特噶爾丹。敗敵有功。三十六年。加一拖沙喇哈番。

胡巴。滿洲正紅旗人。康熙三十五年。隨撫遠大將軍伯費揚古。征厄魯特噶爾丹。由西路進兵。敗賊有功。授拖沙喇哈番世職。官至護軍統領。都統議政大臣。尋卒。

賜祭葬如典禮。同旗有護軍叅領克錫屯。步軍協領胡

什布。佐領阿爾泰。拖沙喇哈番品級章京。蒙五者。並於是役。由西路破賊有功。授拖沙喇哈番世職。

烏林朴。滿洲正紅旗人。係西安府副都統。康熙五十九年。從定西將軍噶爾弼。平定西藏。敘功。授拖沙喇哈番世職。同旗有四川成都府協領唐五禮。委署火器營章京赫色。火器營驍騎校部。委章京索爾科者。並以是役在事有功。授拖沙喇哈番世職。



拜庫達

桓達理

和托 德休

科啓納 子鈞色 拜三

衛美 子孟格圖

張泰 子賈爾海

吳達禪

傳喀

賴達哈

薩魯 族子吳鈕

鼐格 子噶布喇

庚格 子格色里 弟圖

邁思哈 子覺和托

瓦星阿 吳興格

阿布代 兄阿布賴

阿爾哈 從弟夏珠

叟根滿洲鑲白旗人其父以罪正法叟根奉

命往探輝發情形至輝發國誑言我父無辜被殺我故

來歸輝發拜音達禮貝勒信之告以我等欲往

投吳喇爾宜速來尋又往至吳喇亦如告輝發

所云者吳喇貝勒亦信之遂與言收降輝發事

比叟根潛歸備奏其情始知輝發人有叛志丁

未年

太祖高皇帝始定伐輝發之計九月發兵叟根從征攻

克章尼門追擊霸爾克斬十人沙爾護理所防

山城失守叟根以計復之從優議叙授三等梅

勒章京世職。天聰八年。以病降。世職爲牛彖章京。崇德五年卒。孫穆篤勘襲職。順治七年遇

恩詔。由拜他喇布勒哈番。加一拖沙喇哈番。是年卒。以弟莽色襲。十六年。莽色從征福建。海賊鄭成功率兵拒敵。隨都統索渾擊敗之。康熙二年。從定西將軍圖海等征湖廣流賊。攻茅麓山。於築墻處破賊三百餘。進至大山嘴。有賊四百餘人拒戰。復擊敗之。進至山門下。賊五百餘人來拒。奮勇進戰。陣亡。五年正月。議卹。加贈三等阿達哈哈番。以兄穆篤勘子吳塔海襲。

雅爾納。滿洲鑲白旗人。姓西林覺羅氏。世居尼馬察地方。

國初率族人來歸。授備禦。世職。值明兵侵我革革沙漠地方。雅爾納追及敗之。尋授爲遊擊。世職。天聰八年二月。從大兵克遼東有功。加授二等甲喇章京。世職。順治七年。九年。三遇

恩詔。加至三等阿思哈尼哈番。十三年五月卒。長子胡那津。襲父世職。次子武那津。仕至步軍副尉。兼佐領。雅爾納有從子庫雅那者。生子四人。俱以忠烈稱。長子齊雅塔。從圍錦州。在松山陣亡。



賜人六口。布四十疋。次子布扎祿。從征陝西。奮勇擊賊。受傷。得賞銀一百兩。第三子顧思塔。康熙十三年。以委署叅領。隨鎮南將軍莽依圖。征逆藩吳三桂。十五年三月。至廣西。擊逆賊馬雄祖。澤清等。於桂嶺。戰歿於陣。卹贈拖沙喇哈番。第四子布思塔。亦於康熙十三年。以委署叅領。隨都統赫業。征四川。擊僞總兵施遵禮。兵於朝天關隘口。敗賊萬七千餘。進至蟠龍山。戰歿。卹贈拖沙喇哈番。各

賜祭葬如典禮。

充什哈。滿洲鑲白旗人。姓伊爾庫勒氏。世居諾雷地方。於

太祖高皇帝時。率同姓來歸。授備禦世職。從大兵攻明寧遠。奮力進擊。一目被創。又攻錦州。足亦被創。授遊擊世職。天聰八年。緣事降世職。爲牛錄章京。順治七年。九年。三遇

恩詔。加至二等阿達哈哈番。康熙元年卒。

哈珠。滿洲鑲白旗人。姓富察氏。世居扎庫塔博爾屯村。

太祖高皇帝時。同其兄哲爾吉納來歸。授哲爾吉納備

御世職卒。哈珠襲兄職。兼管牛录事。天聰八年。以辦事有能。不違指使。授三等甲喇章京世職。九年。從霸奇蘭薩穆什喀。往征黑龍江有功。加世職爲二等甲喇章京。崇德三年。隨揚威大將軍貝勒岳託。征明。擊明太監高起潛馬兵。敗之。師還。將出邊。又擊敗太平寨兵。五年二月。同多濟里。往征兀扎喇部落。俘獲甚衆。六月。凱旋。

太宗文皇帝命於五里外設宴迎之。順治元年。隨睿王多爾袞入山海關。擊敗流賊。又追至慶都縣。五月。隨固山額真葉臣平定山西。攻太原府。城內

步兵出戰。四敗其衆。十一月。從定國大將軍豫親王多鐸南征。至潼關。破流賊第二營。又同梅勒章京阿喇善。纛章京哈寧阿。往偵賊踪。遇僞吳伯拒敵。迎擊敗之。三年。敘功。加授世職爲一等甲喇章京。七年。

恩詔。由一等阿達哈哈番世職。加一拖沙喇哈番。八年。卒。子喇珠襲職。十一年。隨大兵征福建。攻廈門。海逆鄭成功。列戰艦六百餘艘於澄浦嶼。喇珠同都統索渾破之。獲僞總督陳輝所乘船。康熙三年。從定西將軍圖海等征湖廣流寇。擊茅麓。

山賊有長樂嶺賊兵三千來戰。率所部兵敗其衆。賊渠李來亨遣其子率兵四千。列火器來拒。喇珠以步戰擊敗之。茅麓山上賊兵會集山下來犯。喇珠隨衆分擊。大敗之。至上王砮。連敗賊渠李來亨兵五千餘衆。論功。加授世職爲三等阿思哈尼哈番。尋擢副都統。十三年。從征逆藩吳三桂。卒於岳州軍中。

拜諸哈。滿洲鑲白旗人。姓扎庫塔氏。世居撒齊庫地方。

太祖高皇帝時。偕其弟吳爾布禮來歸。從征瓦爾喀。斬

東牛克等二十人。招服三十人。以功授爲半個牛彖章京。界凡之役。率六牛彖兵戰勝。授爲牛彖章京。又從征遼東。敗敵於兩壕之間。授爲三等甲喇章京。尋往駐防鳳凰城。以其子占諸哈管牛彖章京事。占諸哈以從征他布沁陣亡。因有違令罪。籍沒家產。入包衣牛彖。其所管之牛彖。以族子滿帶署理。後滿帶從征朝鮮。以無能革職。仍以拜諸哈管理牛彖。尋病卒。有透登額者。拜諸哈之族人也。

國初自撒齊庫子身來歸。復回取家屬。適吳喇圍

八旗通志 卷二百八  
因撒齊庫城。透登額欲尋隙入。爲吳喇兵哨見來。追。遂奔朝鮮。尋聞朝鮮王欲執送吳喇。盡棄其衣馬。步行來歸。授備禦世職。天聰八年卒。子忒特奇襲。崇德八年。忒特奇隨奉命大將軍貝勒阿巴泰征明。遇明杜副將馬步兵於渾河岸。與戰敗之。出邊。破敵於墻子嶺。往取寧海州。以雲梯攻克其城。論功。加授世職爲牛彖章京。兼半個前程。順治元年。隨睿王多爾袞入山海關。追擊流賊至慶都縣。二年。議叙。授三等甲喇章京世職。七年。遇

恩詔。加爲二等阿達哈哈番。

扈密塞。滿洲鑲白旗人。姓伊爾根覺羅氏。世居嘉穆湖地方。初隨其祖噶哈善哈思祐來歸。授包衣牛彖章京。隨

太宗文皇帝征遼東。開元。大凌河。杏山。松山。錦州。義州等處。皆有功。順治元年。隨睿王多爾袞入山海關。擊流賊。又追至慶都縣。敗之。二年。叙功。授牛彖章京世職。七年。九年。三遇

恩詔。加至二等阿達哈哈番。尋陞包衣大。十一年。

朝廷念其勤勞素著。加授爲一等阿達哈哈番。康熙

八年通志 卷二百八  
四年復以其歷事

太宗

世祖以來効力年久由一等阿達哈哈番加一拖沙喇

哈番。

甘珠翰滿洲鑲白旗人。姓索綽羅氏。世居吉林  
吳喇地方。初任副理事官。天聰二年。從征明錦  
州。擊杏山松山馬步兵。俱敗之。又隨左翼兵擊  
錦州明兵。既兩翼兵合擊松山馬兵。亦率擺牙  
喇甲喇兵力戰敗之。崇德三年。隨揚威大將軍  
貝勒岳託征明山東。擊敗明馬總兵。又敗德州

兵。又同霸彥敗安肅縣兵。六年。大兵圍錦州。有  
松山馬兵來奪我紅衣礮。急進擊却之。順治二  
年。同李率泰。吳巴海。駐守江南蘇州府。僞帥黃  
斐以兵萬餘突入城內。甘珠翰率外藩蒙古兵  
與戰。五戰俱克。一日被鳥鎗傷。三年六月。授半  
個前程。四年。以任理藩院理事官考滿稱職。加  
授牛彖章京世職。七年。九年。三遇

恩詔。加至三等阿達哈哈番。九年卒。

席爾度。滿洲鑲白旗人。姓寧古塔氏。世居薩爾  
湖地方。父庫克德格於

國初率五十戶來歸。授半個前程世職。席爾度襲父職。天聰三年。率五十人在蘆道地方擊賊。斬十九人。生擒三人。是年隨征明至北京。遇滿桂黑雲龍等四總兵來援。席爾度力戰有功。授世職爲牛叅章京。尋擢甲喇章京。又從征義州。錦州。及遵化等處。並在行間。陷陣衝鋒。凡六被創。崇德七年。復從征錦州。以病卒於軍。

多貝。包衣鑲白旗人。姓索爾多氏。世居吳喇博爾吉城。初管牛叅章京事。天聰六年。從征察哈爾國。旋入明邊。敵兵出拒。多貝率二十人同雅

賴奮擊敗之。崇德三年。隨揚威大將軍貝勒岳託。證明。同甲喇章京阿沙理。擊明太監馮永忠兵。敗之。順治元年。隨睿王多爾袞入山海關。擊流賊有功。二年。議叙。授牛叅章京世職。七年。九年。三遇

恩詔。加至二等阿達哈哈番。

鄂密納。滿洲鑲白旗人。姓伊爾庫勒氏。世居諾雷地方。初以辦事有能。不違指使。授備禦世職。天聰八年。同吳巴海。荆古爾代。征阿庫理尼滿地方。以効力行間。紀錄一次。崇德元年。隨武英

郡王阿濟格。證明。攻順義縣。以雲梯攻克其城。論功。加授世職。為三等甲喇章京。四年卒。子季睦。達襲職。順治二年。季睦達卒。以其叔父畢赫特襲。七年。九年。三遇。

恩詔。加至一等阿達哈哈番。兼一拖沙喇哈番。十三年。畢赫特卒。以子阿蘭泰襲。十六年。阿蘭泰卒。以伯父之子吳稜格襲。花色。吳稜格之子也。康熙五年。襲父一等阿達哈哈番。兼一拖沙喇哈番。三十五年。從撫遠大將軍伯費揚古。征厄魯特。噶爾丹。由西路進。勦有功。加授世職。為三等阿

思哈尼哈番。四十六年。以病解退。

計布舒。滿洲鑲白旗人。天聰八年五月。以辦事有能。不違指使。授半個前程。尋導引哈爾代。翁阿代。往其兄弟所居地方。征額黑庫倫。獲丁壯五十七人。其弟不順。殺之。又導引吳巴海。宜理布。征厄勒鑰色。厄黑庫倫地方。携其兄弟來歸。又導引他哈布。朱馬喇。征厄勒鑰色。僧庫勒。額黑庫倫地方。計布舒分兵畧地。獲丁壯二十五人。加牛朶章京世職。崇德三年卒。

石圖。滿洲鑲白旗人。姓富察氏。世居訥陰地方。

初任牛彙章京品級。天聰九年。從征虎爾哈。獲丁壯八十四人。順治元年。隨睿王多爾袞入山海關。擊流賊。二年。叙功。授半個前程世職。任工部副理事官。五載考績。加授世職。爲拜他喇布勒哈番。七年。九年。三遇。

恩詔。加至二等阿達哈哈番。十三年。以督造

乾清宮等宮殿。催辦勤慎。加授一等阿達哈哈番。病卒。子西巴里襲職。從征福建。兩敗賊兵。康熙十七年。從征逆藩吳三桂。至湖廣。攻岳州府。力戰陣亡。由一等阿達哈哈番。加贈一拖沙喇哈

番。

賜祭葬如典禮。福申。亦石圖子。累官至吏部侍郎。

吳魯哈。滿洲鑲白旗人。姓寧古塔氏。世居薩爾湖地方。父囊機。自寧古塔率部人來歸。

太祖高皇帝授爲半個備禦。天聰八年卒。吳魯哈襲職。崇德元年。駐守牛莊。聞明國有捕魚船至。遂率甲士一百五十人。乘小船自遼河而下。果遇三船。擊走之。獲人三十二名。并緞疋等物。以獻。奉

旨。卽以所獲賞同行將士。編其人爲民。三年。更定部院官制。以吳魯哈爲戶部副理事官。八年。隨奉命



大將軍貝勒阿巴泰。證明擊敗明范軍門及吳總兵。又以雲梯攻克萊陽縣城。是年十月。加牛录章京世職。卒。子郭禮襲。順治七年。九年。三遇

恩詔。加至二等阿達哈哈番。卒。子阿哈納襲。康熙十三

年。逆藩吳三桂。耿精忠。作亂。阿哈納從征。至江西。有耿逆偽帥黃豪。在鄱陽湖官塘地方。率賊萬餘拒戰。進擊敗之。距康山三十里。有賊千餘。乘船來犯。以舟師擊敗之。笪州湖岔口。遇賊千餘。乘船八十隻。仍以舟師擊敗其眾。又於饒州湖岔口。敗賊二千餘。十五年。隨安親王岳樂。擊

吳逆偽將軍夏國相李良棟等。於萍鄉縣東來龍山。國相等敗走。進至長沙。城內賊兵突出南門來犯。阿哈納隨安親王岳樂。大破之。進攻長沙城。陣亡。十六年十月。加贈一等阿達哈哈番。以其子郭琦承襲。

拜庫達。滿洲鑲白旗人。姓納蘭氏。世居吳喇地方。初任分得撥什庫。崇德元年。證明北京。攻容城縣。首先登城。克之。授半個前程。順治七年。九年。三遇

恩詔。加至三等阿達哈哈番。世襲罔替。十一年九月。隨

寧海大將軍固山額真宜爾德征舟山。同梅勒章京顧祿固吳拉禪等。屢敗賊兵。又自擊僞總兵李順。獲其船。十四年九月叙功。加授二等阿達哈哈番。康熙元年卒。

桓達理。滿洲鑲白旗人。姓舒書。覺羅氏。世居萊布地方。初任壯尼大。崇德三年。隨貝勒杜度征明。攻博野縣。不用雲梯。首先躍入。遂下其城。四年十一月。授半個前程。五年圍錦州。同阿克善擊敗杏山馬兵。又敗松山步兵。七年圍錦州。松山馬步兵來犯。我紅衣礮汛地。同阿克善擊敗。

之。又隨大兵敗明經畧洪承疇三營步兵。順治元年。隨睿王多爾袞入山海關。同董阿賴擊敗流賊。追至慶都縣。十月。隨定國大將軍豫親王多鐸南征。擊流賊於潼關。六戰皆捷。賊遁。同阿爾津。敦拜。跡之。值餘寇三百餘。盡殲之。二年三月。至南京。征僞福王。擊其步兵。敗之。五月。隨征南大將軍貝勒博洛。征浙江。至湖州。遇賊兵。同杜賽擊之。直抵壕邊。僞帥黃斐兵自湖州府來犯。同充阿連敗之。又敗長樂宜興二縣賊兵。僞秦總兵率衆自太湖至。會城內兵來犯。同充阿

八旗通志 卷二百八  
三敗其衆。聞嘉興縣叛。遂率師往擊。僞秦總兵率衆出城拒戰。率本旗擺牙喇兵擊敗之。僞王總兵乘船敗遁。同趙布泰追及之。獲船三十隻。松江府叛。同趙布泰往征。有城內兵出戰。卽敗之。三年五月。加授牛錄章京世職。七年。九年。三遇

恩詔。加至二等阿達哈哈番。緣事降世職。爲拜他喇布勒哈番。兼一拖沙喇哈番。十一年。隨寧海大將軍固山額真宜爾德。征浙江舟山。同委署梅勒章京根特。擊敗僞總兵陳六御等兵。又同梅勒

章京柯永蓁等。敗其將張洪德。十四年九月。加授三等阿達哈哈番。世襲罔替。康熙二十九年卒。

和托。滿洲鑲白旗人。姓伊爾庫勒氏。世居諾雷地方。崇德三年。從征明。以雲梯攻文安縣。首先登城。克之。

賜號巴圖魯。四年九月。授牛錄章京世職。順治七年。九年。三遇

恩詔。加至二等阿達哈哈番。十一年卒。同旗有德休者。姓伊爾根覺羅氏。世居多喀地方。亦以崇德三

八旗通志 卷二百八  
年從征明至山東。用雲梯攻恩縣。繼喇都理登城克之。授半個前程。世職。順治七年。九年。三遇恩詔。加至三等阿達哈哈番。任鳳凰城城守尉。病卒。以其長子額黑襲職。次子舒祿。官至都察院左都御史。  
科啓納。滿洲鑲白旗人。姓伊爾庫勒氏。世居諾雷地方。崇德三年。隨揚威大將軍貝勒岳託征明。過北京。攻文安縣。以第二人登城克之。敘功。授半個前程。世職。順治七年。九年。三遇恩詔。加至三等阿達哈哈番。尋以老乞休。子鈞色襲。康

熙十四年。鈞色隨揚威大將軍信郡王鄂扎。征察哈爾布爾尼有功。加世職爲二等阿達哈哈番。授驍騎叅領。鈞色之兄拜三。康熙十五年。以七品官隨征陝西叛鎮王輔臣。在平涼府力戰陣亡。贈拖沙喇哈番。

衛美。滿洲鑲白旗人。崇德三年。隨貝勒杜度。征明至山東。攻齊河縣。不藉雲梯。奮勇先登。克其城。授半個前程。世職。順治元年。隨大兵入山海關。擊流賊。同葉克舒步戰有功。加授牛錄章京。世職。卒。子孟格圖襲職。五年。江西總兵金聲桓

叛孟格圖隨征南大將軍固山額真譚泰往討。至南昌府。擊賊高總兵步卒。再擊僞建武侯王得仁馬步兵。凡四戰俱捷。七年。九年。三遇

恩詔。加至二等阿達哈哈番。十六年八月。隨安南將軍

固山額真明安達理。駐守湖廣荊州府。聞海寇犯江寧府。隨將往援。與僞都督楊文英水戰。歿於陣。

賜祭葬如典禮。

張泰。滿洲鑲白旗人。姓納蘭氏。世居松阿里吳喇地方。崇德二年。隨揚威大將軍貝勒岳託征

明。用雲梯攻獻縣。先登克其城。授半個前程世職。順治二年。創發卒。子賈爾海襲職。七年。九年。三遇

恩詔。加至三等阿達哈哈番。十年。隨貝勒吞齊征湖南。擊賊孫可望兵於岔路口。率所部兵敗其衆。十一年。隨寧海大將軍固山額真宜爾德。征浙江舟山。擊僞英毅伯阮思等。連敗之。十四年。叙功。授二等阿達哈哈番。十六年。因叙張泰功。加爲一等阿達哈哈番。

吳達禪。滿洲鑲白旗人。姓趙佳氏。世居瑚布察

八旗通志 卷二百八  
地方。崇德三年。隨安平貝勒杜度。征明。攻直隸河間府。任邱縣。於城垣空壞處。奮勇登城。遂克任邱。至山東。攻濟陽縣。不用雲梯。以第一人先登。克其城。四年九月。叙功。

賜號巴圖魯。授牛朶章京世職。順治七年。遇

恩詔。由拜他喇布勒哈番。加一拖沙喇哈番。任太原城守尉。是年八月卒。子莽依圖襲職。仕至鎮南將軍。平定廣西有功。見名宦名臣傳。

傅喀滿洲鑲白旗人。初任兵部副理事官。隨擢噶布什賢轄。崇德六年。隨武英郡王阿濟格圍

錦州。來奏捷。

賜銀四十兩。七年。隨大兵征明。自黃崕口進邊。圍薊州。

遇明總兵白騰蛟。白廣恩。馬步兵。擊敗之。順治

四年。以隨豫親王多鐸。追騰機思。及從征流寇

功。授半個前程。五年。從征江西。叛鎮金聲桓。破

賊於南康府。康熙十七年。從征逆藩吳三桂。至

廣東韶州府。敗偽將軍馬寶等兵。又敗偽總兵

姜熊於樹梓墟。進至廣西。擊偽將軍吳世琮於

陶屯。又擊偽將軍范齊韓。詹仰等兵。並隨鎮南

將軍莽依圖。敗賊。十九年。從征南。大將軍賴塔

八旗通志 卷二百八  
征雲南二十年。奪石門坎。黃草壩。乘勝進抵雲南省城。俱在事有功。二十五年。授拜他喇布勒哈番。

賴達哈。滿洲鑲白旗人。世居瑚克沙哈里地方。卽以地爲姓。

國初從征。奔博果爾。効力行間。崇德七年。從大兵圍錦州。以步戰衝入明步軍營。擊敗敵衆。八年。隨奉命大將軍貝勒阿巴泰。征明山東。豎梯攻兗州府。繼巴爾度纏。第二登城。遂克之。

賜號巴圖魯。授世職爲二等甲喇章京。順治七年。九年。

三遇

恩詔。加至三等阿思哈尼哈番。康熙十七年卒。

賜祭葬如典禮。賴達哈賦性剛毅。猛勇過人。從征湖廣時。一日浴於溪。水底有物。槎枒如古木。因呼儕輩。縛以繩。共引出之。則一龍首。鬚鬣宛然。縛者乃其角。衆皆驚走。賴達哈神色不變。徐入水。手解其縛。少頃。雷雨晦冥。龍騰空而去。衆皆無恙。人更稱爲縛龍巴圖魯云。

薩魯。滿洲鑲白旗人。姓吳蘇氏。世居訥陰地方。父戴蒙安。率宗族兄弟及鄉人來歸。

太祖高皇帝初創立牛录。即將其所攜丁壯編一牛录。令管之。尋卒。薩魯襲管牛录事。崇德七年。從大兵圍錦州。兩翼兵擊松山馬兵。薩魯同曹海進戰有功。又同巴山等擊明經畧洪承疇三營兵。連敗之。出邊時。遇明吳總兵。同纛章京熬拜。巴圖魯擊却其眾。順治元年。隨睿王多爾袞入山海關。敗流賊。追至慶都縣。二年。授牛录章京。世職。三年正月。隨何洛會等擊破流賊賀珍。三月。隨何洛會等敗流賊二隻虎於商州。以雲梯攻西平縣。首先登城克之。七年。九年。遇

恩詔。加至三等阿達哈哈番。尋叙功。加二等阿達哈哈番。又以遇

恩詔。加一等阿達哈哈番。世襲罔替。吳鈕薩魯之族子也。初任壯尼大。從征雲貴。敗偽侯李成蛟。又隨征南將軍趙布泰。擊偽晉王李定國於雙河口。四戰俱克。復擊定國於魯岡地方。兩敗其眾。十八年閏七月。授拖沙喇哈番。

戴格。滿洲鑲白旗人。姓他塔拉氏。世居寧袞木地方。崇德七年。隨大兵征明圍錦州。擊明經畧洪承疇。兵有功。松山敵兵遁出。衝入



御營。鼐格同多爾機昂邦宗室錫漢擊却之。八年。隨奉命大將軍貝勒阿巴泰征明。用雲梯攻臨清州。奮勇先登。克其城。

賜號巴圖魯。授牛錄章京。兼半個前程。世職。病卒。子噶布喇襲職。順治七年遇。

恩詔。加授世職。爲三等阿達哈哈番。十六年。從征貴州。凱旋。至江寧。值海賊鄭成功破鎮江瓜州來犯。江寧。噶布喇隨梅勒章京噶褚哈會同本地官兵擊賊。破之。叙功。加授二等阿達哈哈番。康熙二十五年病退。子巴格襲職。歷任至內閣學士。

五十三年。緣事革一拖沙喇哈番。仍爲三等阿達哈哈番。以其弟甘都海襲。

庚格。滿洲鑲白旗人。姓格倫覺羅氏。世居黑圖阿喇城。初管牛錄章京事。崇德七年。從大兵征明圍錦州。明松山城內兵夜犯我鑲黃旗汛地。庚格擊敗其衆。順治元年。隨睿王多爾袞入山海關。擊走流賊。追至慶都縣。二年二月。授半個前程。四年六月。以任刑部理事官。辦事有能。授牛錄章京世職。七年遇。

恩詔。由拜他喇布勒哈番。加一拖沙喇哈番。是年卒。子

八旗通志 卷二百八  
格色里襲。九年遇

恩詔二次。加至二等阿達哈哈番。十五年。格色里隨信郡王多尼征雲南。用雲梯攻沅江府。同嫩泰督兵先登。因加世職爲一等阿達哈哈番。康熙十年。以所得功牌。例不及官。銷一拖沙喇哈番。仍爲二等阿達哈哈番。圖希海者。庚格之弟也。初管擺牙喇甲喇事。崇德八年。隨奉命大將軍貝勒阿巴泰征明。擊吳總兵馬步兵。三總兵馬兵。并敗之。往偵青州府。值敵兵出城樵採。同燾章京俄羅塞臣擊敗之。回軍至渾河。擊敗范軍門。

馬步兵。順治元年。隨睿王多爾袞入山海關。擊流賊。二年敘功。授半個前程。世職。七年。九年。三遇。

恩詔。加至三等阿達哈哈番。緣事降爲拜他喇布勒哈番。十年十一月。任燾章京。十二年卒。

邁思哈。滿洲鑲白旗人。姓趙佳氏。世居瑚布察地方。崇德八年。隨貝勒阿巴泰征明。攻山東齊東縣。首先登城克之。授半個前程。遇順治七年。九年。

恩詔。加至拜他喇布勒哈番。又一拖沙喇哈番。尋卒。以

其子覺和托襲。康熙十三年。覺和托隨貝勒董額。征陝西叛鎮王輔臣。至丁華嶺。遇偽李總兵率衆來拒。奮擊敗之。往圍秦州城。有賊自四川平涼來援。與城內兵應合。併敗其衆。又屢敗王輔臣之子王繼正等。以功加授爲三等阿達哈哈番。

瓦星阿。滿洲鑲白旗人。姓富察氏。世居訥陰地方。崇德八年。隨奉命大將軍貝勒阿巴泰。征明山東。以雲梯攻諸城縣。繼賈爾布第二登城。遂克之。是年十月。授半個前程。順治元年。隨定國

大將軍豫親王多鐸南征。至潼關。設伏擊流賊。越鼐格巴圖魯衝入賊營。二年。至江南。攻常熟縣城。於紅衣礮擊破處。首登克其城。三年五月。授牛叅章京世職。七年。九年。三遇

恩詔。加至二等阿達哈哈番。世襲罔替。十八年卒。同旗有吳興格者。姓伊爾根覺羅氏。世居長白山地方。亦以崇德八年。隨貝勒阿巴泰。證明。用雲梯攻寧海州。繼祁塔特。後登城。克之。授半個前程。世職。順治七年。九年。三遇

恩詔。加至三等阿達哈哈番。十三年以疾卒。

八旗通志 卷二百八  
阿布代。滿洲鑲白旗人。姓瓜爾佳氏。世居吳喇地方。崇德八年。隨奉命大將軍貝勒阿巴泰征明。用雲梯攻昌邑縣。繼達爾布第二登城。克之。授半個前程世職。順治七年遇

恩詔。加授拜他喇布勒哈番。八年病卒。以其兄阿布賴襲。九年遇

恩詔。二次。加至三等阿達哈哈番。十一年。阿布賴隨寧海大將軍宜爾德征舟山。擊賊有功。十四年。議叙。由三等阿達哈哈番。加爲二等阿達哈哈番。阿爾哈。滿洲鑲白旗人。姓伊爾庫勒氏。世居諾

雷地方。崇德八年。隨奉命大將軍貝勒阿巴泰。證明。攻陽信縣。未豎雲梯。先衆登城。克之。授半個前程世職。順治五年病卒。以其從弟夏珠襲。七年遇

恩詔。加授拜他喇布勒哈番。九年遇

恩詔。二次。加至三等阿達哈哈番。是年二月。夏珠隨固

山額真噶達洪。征鄂爾多斯。朶爾濟。以步戰敗其衆。十五年。從征貴州。在十萬崎山。擊僞總兵羅大順。三戰皆捷。凱旋至江寧府。值海賊鄭成功。破鎮江瓜州。來犯江寧。隨梅勒章京噶禱哈。

協同本地兵擊敗之。十七年叙功。由三等阿達哈哈番授為二等阿達哈哈番。

其衆十五平於茲貴州亦十萬餘山嶺紛麻只

山嶺其間致其益豐潤而冬洪來爾高以步煙烟

請之穴以至三等阿達哈哈番授為二等阿達哈哈番

請之穴以至三等阿達哈哈番授為二等阿達哈哈番

請之穴以至三等阿達哈哈番授為二等阿達哈哈番

請之穴以至三等阿達哈哈番授為二等阿達哈哈番

請之穴以至三等阿達哈哈番授為二等阿達哈哈番

八旗通志卷二百八

八旗通志初集卷之二百九

勲臣傳九

鑲白旗滿洲世職官下

瓦古禮

拉薩禮

拉薩禮子博壽

羅察

諾泰

伊巴庫

囊武岱

尼雅漢

納考  
祐實

布爾賽

喀吉海

伊騰

哈泰

蘇和臣

祁克善

曾孫拴住

艮泰

郭和齊

鍾內

兄之孫那爾泰

胡里

多克隊 子壽柱

蟒色

席達

博濟

克珥特黑

穆和納

艾都

岳多禮

輝寶

費陽古

尼雅爾薩

傅寶 隼泰

雅思哈

偏武

胡錫屯

達禮

希福納

納科禮

圖爾禪

西騰

格爾素

褚名臣

費雅思哈

薩爾納

吞珠祐

賽喀納

吳沙庫 武蘭布

綽克託

馬薩喀

覺和托

阿哈納 殷德

渾塔

傅哈達

愛音柱

朔色

畢里克

恩格特 錫特庫

晉才

博和禮

索住

根貝

桑格

卦納

察穆布 袞泰

阿珥楚

花色

關住

穆爾禪

松吉納

阿蘭柱

滿都里

圖爾海

索爾和代

談圖

何達色

新泰

常壽 赫塞

季賽

見名臣揚善傳

伊成格

見名臣哈寧 阿傳下同

伊勒慎

華善

見名臣季思哈 傳下三人同

尼滿

穆舒渾

達爾布

席賴 見名臣富喇克塔傳 陳布祿 見名臣葉喜傳

阿穆爾圖 見名臣尼堪傳 多尼喀 見名臣齊爾格申傳

安泰 見名臣鄂屯傳

覺羅普爾朋 見名臣覺羅巴哈納傳下二人同

覺羅巴朗 覺羅杭奇

羅多禮 見名臣車克喇傳 達爾丹 見名臣喀爾塔喇傳

多鼎 見名臣鄂穆克圖傳 喀爾奇 見名臣興鼎傳

龍山 見名臣吳巴海傳 拜都哈 見名臣達克沙哈傳

納穆泰 吳濟赫 見名臣艾松古傳

赫勒 見名臣葛思特傳 博里 見名臣寶色傳

多格梭里 見名臣張庫傳下二人同

張山 吳爾佳圖

花色 見名臣塔爾代傳 噶爾哈圖 見名臣敦達禮傳

花善 見名臣格紳傳 薩穆哈 見名臣納密達傳下二人同

哈積大 哈席里

杜喇式 見名臣扈習傳下三人同 占代

齊蘭布 生保

色赫 見名臣塔海傳 阿顏圖 見名臣嫩兌傳

魯爾金 見名臣渾親傳

曾爾金

見忠烈傳

色赫

見忠烈傳

齊爾布

生於

林陳左

與不二人同

合蘇大

合蘇里

林善

見忠烈傳

芬色

見忠烈傳

張山

與爾其圖

多額里

見忠烈傳

瓦古禮滿洲鑲白旗人。姓富察氏。世居扎庫塔博爾屯村。順治元年。隨睿王多爾袞入山海關。擊流賊。以步戰敗其衆。二年。敘功。授半個前程。七年。九年。三遇

恩詔。加至三等阿達哈哈番。同旗有拉薩禮者。性格濟

勒氏。世居和通吉地方。初任牛录章京。亦於順治元年。隨睿王多爾袞入山海關。同甲喇章京。鄔庫禮。擊敗流賊馬步兵。五月。隨固山額真覺羅巴哈納等往平山西。於太原府屢敗賊衆。進至陝西。破賊於延安府。三年。敘功。授半個前程。



是年卒。子博壽襲。七年。九年。三遇

恩詔。加世職至三等阿達哈哈番。十一年。博壽隨靖南將軍朱瑪喇等征廣東。擊偽安西王李定國。屢敗其衆。十三年。敘功。加爲二等阿達哈哈番。羅察。滿洲鑲白旗人。姓佟佳氏。世居嘉哈地方。初任刑部副理事官。順治四年。以考滿稱職。授半個前程。五年。從征湖廣。擊賊一隻虎於荊州府。敗之。駐防江寧府。同俄屯往剿土賊。監梯攻無爲州。所督之兵先登。遂克其城。六年。授拜他喇布勒哈番。七年。遇

恩詔。以其所得世職。准世襲罔替。九年。遇

恩詔。二次。加至三等阿達哈哈番。

諾泰。滿洲鑲白旗人。順治六年。從征湖廣。攻寶慶府。先登克其城。授爲拖沙喇哈番。七年。九年。三遇

恩詔。加至三等阿達哈哈番。世襲罔替。康熙十三年。逆藩吳三桂耿精忠叛亂。諾泰從征至江西。隨副都統公倭赫等圍袁州府。隨前鋒統領覺羅舒恕攻進賢縣。並有功。十四年。隨護軍統領桑額。敗偽總兵算可動等於新昌縣北山。擊賊首黃

八旗通志 卷一百一十九  
豪於鄱陽湖官塘。距康山三十里。有賊千餘來犯。率舟師擊敗之。又隨定西將軍希爾根破賊於饒州府。進至岔口。又敗之。十九年。從征南大將軍賴塔擊敗偽將軍何繼祖等於黃草壩。會三路大兵敗偽將軍胡國柄等於雲南城。外。二十五年。加授二等阿達哈哈番。仕至滄州城守尉。

伊巴庫。滿洲鑲白旗人。姓瓜爾佳氏。世居鐳爾白地方。順治六年。以噶布什賢隨鄭親王濟爾哈朗。征偽桂王。至湖廣湘潭縣。敵兵出城來戰。

伊巴庫奮勇擊敗之。追至城下。先衆奪門而入。克之。八年。敘功。授拖沙喇哈番。九年。兩遇

恩詔。加至拜他喇布勒哈番。兼一拖沙喇哈番。

囊武岱。滿洲鑲白旗人。姓索綽羅氏。世居吉林吳喇地方。順治六年。隨鄭親王濟爾哈朗。征湖廣流賊。破衡州。直抵全州。並在行間擊賊有功。十五年。隨征貴州。十六年。回兵至江南。值海寇鄭成功陷鎮江瓜州。犯江寧。囊武岱隨梅勒章京噶褚哈。會同本地官兵擊敗之。以功授拖沙喇哈番。

尼雅漢滿洲鑲白旗人。姓富察氏。世居訥陰地方。初管擺牙喇章京事。遇順治七年九年

恩詔。授世職。拜他喇布勒哈番。十一年。隨靖南將軍朱瑪喇出師廣東。敗僞安西王李定國兵於新會縣。又追定國至橫州江岸。敗其馬步兵。以功加一拖沙喇哈番。還京。陞內務府總管。授散秩大臣。康熙十年。陞都統。尋加太子少保。十八年十月。病卒於官。同旗有同姓人納考者。世居扎庫塔博爾屯村。亦以隨靖南將軍朱瑪喇征廣東。敗僞安西王李定國於新會縣。又敗僞都督吳

三英等有功。授拖沙喇哈番。又有壯尼大祐實亦以是役効力戎行。論功。授拖沙喇哈番。

布爾賽滿洲鑲白旗人。姓富察氏。世居扎庫塔地方。初任牛錄章京。順治九年。兩遇

恩詔。授世職。為拜他喇布勒哈番。十一年。從定遠大將軍貝勒屯齊征湖南。擊敗僞秦王孫可望兵於岔路口。十六年。隨梅勒章京噶褚哈征貴州。回兵至江南。適海寇鄭成功犯江寧府。遂會同本地官兵。連敗其衆。以功加一拖沙喇哈番。同旗有委署壯尼大喀吉海。亦以順治十六年。從征

貴州回兵至江南擊海寇鄭成功來犯江寧之  
兵屢戰皆捷論功授拖沙喇哈番。

伊騰滿洲鑲白旗人姓燕濟氏世居葉赫地方。

初任分得撥什庫順治十一年隨寧海大將軍

宜爾德征浙江舟山同署肅章京尼雅塔擊賊。

敗之十五年隨信郡王多尼征雲南圍沅江府。

賊率衆千餘來犯我蘆囤伊騰同赫勒布迎擊。

連破其衆以功授拖沙喇哈番。

哈泰滿洲鑲白旗人征福建海賊攻廈門時海

逆鄭成功列戰艦六百餘艘於海上拒敵哈泰

先衆跳入賊舟大破之奪其戰艦以歸論功授

拖沙喇哈番同旗有蘇和臣者姓伊爾根覺羅

氏世居薩爾湖地方亦以從征福建有功授拖

沙喇哈番。

祁克善滿洲鑲白旗人姓伊爾庫勒氏世居諾

雷地方順治十五年從大兵征雲南攻沅江府。

繼喀穆圖第二登城。

賜號巴圖魯授三等阿達哈哈番准再襲四次祁克善

巴圖魯之二世孫有拴住者初襲三等阿達哈

哈番世職雍正九年以從征準噶爾在和通胡

爾哈陣亡。議卹。又加贈一拖沙喇哈番。

良泰。滿洲鑲白旗人。姓舒穆魯氏。世居雅爾湖地方。順治十五年。從征雲南。攻沅江府。第三人登城。

賜號巴圖魯。授拜他喇布勒哈番。兼一拖沙喇哈番。同旗有郭和齊者。亦姓舒穆魯氏。世居吉林地方。以順治十五年。隨信郡王多尼。至貴州。征偽桂王。敗偽侯李成蛟於涼水井。又敗偽晉王李定國於雙河口。磨盤山等處。並在事有功。授拖沙喇哈番。

鍾內。滿洲鑲白旗人。姓文都氏。世居訥陰地方。父郎格。於

國初。率諸兄弟及鄉人來歸。值編設牛叅。卽令管半箇牛叅事。鍾內。郎格第四子也。父沒。襲管牛叅。順治十五年。隨信郡王多尼。征貴州。在十萬崎山。破偽總兵羅大順。師旋至江寧。值海賊鄭成功來犯。鍾內。隨梅勒章京噶褚哈。協同本地兵。擊敗之。十七年。敘功。授拜他喇布勒哈番。康熙十三年卒。以兄之孫那爾泰襲。雍正九年六月。那爾泰。隨公富爾丹。征準噶爾。與賊戰於和

通胡爾哈地方。歿於陣。卹贈一拖沙喇哈番。以其子六十四襲。

胡里滿洲鑲白旗人。姓他塔拉氏。世居扎庫木地方。初任牛录品級章京。順治十五年。隨信郡王多尼征貴州。破僞侯李成蛟於涼水井。我師渡瀘江。至雲南磨盤山。僞晉王李定國設重兵以待。胡里隨噶喇昂邦白爾黑圖等奮勇衝擊。敗之。又擊敗李定國兵於魯岡。康熙十四年。從征逆藩耿精忠。至江西。擊賊僞都督范超明於艾口。又擊僞提督顏子明於南康。俱有功。十六

年。從征逆藩吳三桂。至廣東韶州府。隨鎮南將軍莽伊圖等。擊僞將軍馬寶。敗之。又敗僞總兵姜熊於樹梓墟。至廣西。敗僞將軍吳世琮馬步兵。又於陶屯擊敗僞將軍范齊韓等兵。十九年。從征南大將軍賴塔。進征雲南。二十年。克黃草壩。進抵雲南省城。並在行間有功。二十五年。議敘。授拜他喇布勒哈番。

多克隊。滿洲鑲白旗人。姓克勒德氏。世居吳喇地方。初任壯尼大。順治十五年。隨寧南靖寇大將軍宗室羅託。征雲貴。駐劄荊州。僞總兵田國

欽黃世貴約降。阻於賊。多克隊同燾章京鄂諾往迎之。擊敗賊兵二千餘。進至雲南。敗僞侯李成蛟於涼水井。又擊敗僞晉王李定國兵於雙河口。並在行間有功。十八年議敘。授拖沙喇哈番。多克隊子壽柱。初任驍騎校。康熙三十五年。以委署章京隨撫遠大將軍伯費揚古。征厄魯特。噶爾丹。師至昭莫多。聞厄魯特駐兵於忒勒爾機口。壽柱遂同委署前鋒統領碩代前往誘賊。比賊兵至。卽率前鋒兵。隨大將軍奮擊敗之。追至忒勒爾機而還。五十九年。隨平逆將軍顏

信率兵進藏。於卜克河及齊嫩郭爾地。連敗準噶爾賊兵。又敗之於綽馬喇地方。遂至藏。平定湯古忒。土默特部落等衆。壽柱俱在行間。論功。授拖沙喇哈番。

蟒色。滿洲鑲白旗人。姓他塔拉氏。世居扎庫木地方。初以驍騎校。從征山東賊首蔣靜剛。破之。取其寨。康熙十五年。從征叛鎮王輔臣。擊敗僞總兵高定。蔡元於關山河岸。進圍秦州城。數敗賊衆。並敗自四川平涼來援之兵。又於秦州南山。擊僞總兵施遵禮。兵敗之。賊自四川平涼來

八旗通志 卷二百九  
援之兵。與城內兵合師拒戰。犯我營壕。俱擊敗之。又與王輔臣之子王繼正戰於平涼。敗其馬步兵者再。僞將軍陳君極率衆在伊門鎮西南山。列火器拒敵。又擊敗之。二十五年。以功授拜他喇布勒哈番。

席達。滿洲鑲白旗人。姓博爾濟金氏。世居克魯倫地方。其伯父曰納穆。率諸兄弟及部落於國初先衆來歸。授遊擊世職。順治元年。以隨和碩肅親王入山海關功。加授世職爲二等甲喇章京。尋卒。納穆長子班丹襲。七年遇

恩詔。加爲一等阿達哈哈番。卒。班丹弟詹木素襲。九年遇

恩詔。二次。加至三等阿思哈尼哈番。卒。以其叔東襲職。東。納穆之弟。席達之父也。康熙七年卒。席達襲父職。三十五年。隨撫遠大將軍伯費揚古。由西路征厄魯特噶爾丹有功。加授世職爲二等阿思哈尼哈番。病卒。

博濟。滿洲鑲白旗人。姓阿燕覺羅氏。世居雅爾湖地方。康熙十三年。以委署叅領。從征逆藩吳三桂至江西。十五年二月。隨安親王岳樂。擊僞



將軍夏國相李良棟於萍鄉縣。敗之。進兵湖廣。距平江縣二里。有僞總兵陳夏劉辛裘等。率賊萬餘。列火器來犯。博濟隨大將軍擊敗其衆。又於七家洞擊僞總兵裘以勝兵。步戰破之。進取九嶺。連敗賊兵。十八年。隨貝子章泰。擊敗僞將軍吳國貴兵於武岡州雙井鋪。二十年。隨三路大兵。進抵雲南省城。敗賊兵於城下。又隨都統希佛等。追敗僞將軍馬寶巴養元於烏木山。二十五年。敘功。授拖沙喇哈番。

克珥特黑。滿洲鑲白旗人。姓費莫氏。世居布爾

哈圖地方。康熙十三年。以驍騎校。隨征逆藩耿精忠至江西。敗賊帥黃豪於鄱陽湖官塘。復破賊舟千餘於筇州湖。進至饒州湖岔口。屢敗賊兵。十五年五月。從安親王岳樂。敗賊帥邵連。登於建昌府長興地方。復敗僞周副總於界牌鋪村北山。十七年。隨定西將軍希爾根。破賊於饒州之景德鎮。敗僞郭都督等。又敗賊首李茂珠。李復勝兵於建昌府城南之鐘鼓山。十九年。隨征南大將軍賴塔。征逆孽吳世璠。由廣西進雲南。奪黃草壩。直抵雲南省城。並在行間有功。二

十五年議敘。授拜他喇布勒哈番。穆和納。滿洲鑲白旗人。姓他塔拉氏。世居扎庫木地方。康熙十三年。隨征逆藩耿精忠。踴躍前驅。於浙江福建地方。歷十三戰。皆捷。二十五年。敘功。授拜他喇布勒哈番。四十八年病卒。同旗有驍騎校艾都。姓舒穆魯氏。世居雅爾湖地方。又有名岳多禮者。姓富察氏。世居吳喇地方。並以從征浙江福建。著有勞績。授拖沙喇哈番。輝寶。包衣鑲白旗人。初任護軍校。康熙十三年。隨副都統喇哈達。征逆藩耿精忠。至浙江。敗賊

帥王宗仁於諸暨河岸。進至義烏縣。敗偽龔都督偽王。總兵於山坑嶺。又從平南將軍賴塔。擊偽都督周烈。偽總兵桑明兵於鷺鷥村。紅橋等處。並有功。十五年。從寧海將軍喇哈達。擊海逆鄭錦。偽總督徐耀兵於烏龍江前小門山。鎮峯山。破之。又敗賊於夏口。破偽總督興明。伯趙得勝。等於太平山。攻克泉州府城。又敗賊於洛陽橋。十九年。敘功。授拜他喇布勒哈番。同旗有費陽古者。亦於康熙十三年。以護軍校。從征逆藩耿精忠。至浙江。隨副都統喇哈達。敗賊於諸暨

縣。又敗義烏縣山坑嶺賊兵。又敗偽葉總兵。偽副將馬思於臨善村。又於黃潭口。望霧山。打鐵村。北原口村。大溪灘等處。擊敗賊兵有功。十五年。亦從寧海將軍喇哈達。敗海賊偽總督徐耀兵於鎮峯山。敗偽總督與明伯趙得勝於太平山。攻克泉州府城。十九年。議敘。授拜他喇布勒哈番。

尼雅爾薩。滿洲鑲白旗人。康熙十三年。以委署叅領。從征逆藩耿精忠。至江西。擊偽提督顏子明於南康縣。敗之。十六年。隨鎮南將軍莽依圖。

征廣東。敗偽總兵姜熊於樹梓墟。進至廣西。敗偽將軍吳世琮於新村西山。又敗之於陶屯。俱在事有功。十九年。隨征南大將軍賴塔。征雲南。奪黃草壩。抵雲南省城。並著勞績。二十五年。議敘。授拖沙喇哈番。同旗有名傳寶者。初任八品官。亦以從征耿逆。至江西。四戰俱敗之。隨鎮南將軍莽依圖。征逆藩吳三桂。由廣東進兵廣西。敗偽將軍詹仰等於柳州之陶屯。又隨征南大將軍賴塔。平定雲南。奪黃草壩。抵雲南省城。並在行間有功。授拖沙喇哈番。又有名準泰者。初

任驍騎校。亦以從征逆藩耿精忠至江西。屢敗賊衆。從征吳逆至廣東。廣西。雲南等處。俱有功。二十五年議敘。授拖沙喇哈番。

雅思哈。滿洲鑲白旗人。姓赫攝禮氏。世居額爾敏地方。康熙十三年。從征逆藩耿精忠至浙江。敗僞總兵葉年於黃潭口。又敗賊於望霧山。打鐵村。大溪灘等處。進至福建。敗賊於小門山鎮。峯山。十七年。隨寧海將軍喇哈達擊海寇。敗僞總督趙得勝。僞將軍何猷等於太平山。并敗白木山賊兵。至泉州。隨平南將軍賴塔敗僞提督

王進功。又敗僞將軍吳淑於泉州江岸半山地。方。並在行間。著有勞績。授拖沙喇哈番。同旗有偏武者。姓伊爾根覺羅氏。亦於康熙十三年。從征耿逆。過浙江。進趨福建。僞將軍馬九玉率衆渡苗村江。來劫我副將李成恩之營。偏武在本旗第三名衝擊。敗其衆。得賞銀三十兩。隨寧海將軍喇哈達用雲梯攻泉州。以第四人登城。右眼下被創。得賞銀二十兩。白馬一匹。事平議敘。授拖沙喇哈番。

胡錫屯。滿洲鑲白旗人。姓葉何里氏。世居寧古

塔地方。康熙十三年。以委署叅領隨定南將軍希爾根。征逆藩耿精忠。至江西。圍撫州府。戰於千金坡。破偽將軍楊三。偽總兵李茂珠。十四年。從安親王岳樂。破耿逆偽帥邵連。登於建昌府。長興地方。從定南將軍希爾根。破賊於饒州之景德鎮。敗耿逆偽郭都督馬步兵。又與賊首程鳳。張名揚。戰於沉香山。馬鞍山。並有功。十五年。從安親王岳樂。征逆藩吳三桂。破偽將軍夏國相等。於萍鄉。又從擊楊熊。二偽總兵於沿溪。十七年。從貝子章泰。擊偽將軍吳國貴。於武岡州。

雙井舖。俱有功。二十五年。議敘。授拖沙喇哈番。同旗有達禮者。姓瓜爾佳氏。世居蘇完地方。初任江南駐防佐領。亦以從征江西有功。授拖沙喇哈番。

希福納。包衣鑲白旗人。姓趙佳氏。世居額爾敏地方。初任護軍校。康熙十三年。從征逆藩耿精忠。至浙江。隨副都統喇哈達。擊偽帥王宗仁。於諸暨縣河岸。敗之。至義烏縣。敗偽龔都督。偽王總兵於山坑嶺。又敗偽葉總兵。偽副將馬思等。於臨善村。又擊千山嶺。大溪灘。夏口等處賊。俱

有功。過仙霞關。與賊偽王總兵戰於建陽縣關廂。隨平南將軍賴塔擊敗之。十五年。海逆鄭錦犯福州。隨寧海將軍喇哈達。敗偽總督徐耀於烏龍江前小門山。鎮峯山嶺。又破其眾於太平山。俱在事有功。十九年。議敘。授拖沙喇哈番。同旗有納科禮者。亦於康熙十三年。以委署驍騎校。從征逆藩耿精忠至浙江。擊偽總兵徐尙朝於金華府。敗之。又從擊賊於秀溪山。集道山。半山嶺等處。屢敗其眾。進至宣平縣。敗偽總兵馮公輔。又敗偽將軍馬九玉等於蔡平關水南地。

方。又連敗賊兵於小門山。鎮峯山。太平山。洛陽橋等處。俱在行間有功。授拖沙喇哈番。

圖爾禪。滿洲鑲白旗人。初任牛录章京。康熙十三年。從康親王傑書。征逆藩耿精忠至浙江。擊敗偽總兵葉年兵於黃潭口。又敗賊於望霧山。打鐵村。千山嶺等處。敗偽林總兵於大溪灘。敗偽守備趙深等於夏口。進至福建。敗賊於浦城縣。又敗海賊於小門山。鎮峯山。俱在行間有功。十六年。隨寧海將軍喇哈達。破海賊偽總督趙得勝。偽將軍何猷等於太平山。至泉州。敗偽提

督王進功。又隨平南將軍賴塔。敗海賊僞將軍吳淑於泉州江岸半山地。海寇僞總兵仇洪如等。率兵據鳳凰山激水湍地方。僞將軍劉國軒。吳淑等。率兵據蜈蚣山。並隨賴塔進擊。破之。賊退據郭塘山崖。又擊敗之。又敗賊衆於盤圍山。並在事有功。二十五年九月議敘。授拖沙喇哈番。西騰者。圖爾禪之弟也。康熙十四年。以委署護軍校。從征察哈爾布爾尼。連敗賊兵。尋以提督王輔臣叛。西騰從征至陝西。與王輔臣之子王繼正戰於湖山屯。敗其衆。進至湖廣。敗賊

王國祖馬步兵於攸縣。病歿於軍。二十五年議敘。贈拖沙喇哈番。以其子朱蘭泰襲。

格爾素。包衣鑲白旗人。初任七品官。康熙十三

年。從征逆藩耿精忠。至浙江。隨副都統喇哈達

敗僞龔都督兵。又隨平南將軍賴塔。敗僞都督

周烈。僞總兵桑明等。於衢州府屬鷺鷥村。敗僞

將軍馬九玉。僞中軍李廷貴。於衢州府北原口

村。破僞兵曹閔可孝。僞守備趙深。兵於夏口。並

在行間。十五年。從寧海將軍喇哈達。破海賊鄭

錦。僞總督徐耀。兵於鎮峯山嶺。又破其僞總督

興明伯趙得勝。僞將軍何猷等於太平山。十七年。僞將軍劉國軒自灣腰樹渡河。立營於潮溝之間。修木城。列火器拒戰。格爾素復隨平南將軍賴塔進擊。大敗其衆。二十五年。敘功。授拖沙喇哈番。

褚名臣。包衣鑲白旗人。康熙十三年。以委署護軍校。從征逆藩耿精忠。至浙江。隨副都統喇哈達。破僞都督楊祿於尖山浮橋。又於諸暨河岸。擊敗賊帥王宗仁。敗僞龔都督僞王總兵於義烏縣之孝順街。敗僞林總兵於大溪灘。又擊賊

於鷺鷥村河岸。敗之。十五年。從寧海將軍喇哈達。破海寇僞總督興明伯趙得勝等於太平山。進援泉州府。破賊於洛陽橋。並在行間。十九年。敘功。授拖沙喇哈番。

費雅思哈。滿洲鑲白旗人。姓佟佳氏。世居嘉哈地方。康熙十三年。以擺牙喇從征逆藩吳三桂。由陝西進四川。自蟠龍山回至娘娘廟。遇僞將軍吳之茂。率賊萬餘。分兩處斷路立營。費雅思哈先衆衝入。擊敗之。又隨前鋒統領穆占。敗僞將軍王屏藩兵於槐樹驛。賊兵復於小梅嶺斷



八旗通志 卷二百九  
路列陣以拒我師。費雅思哈以第二人衝入賊陣。敗其衆。隨振武將軍內大臣坤巴圖魯防守漢中。尋敘功。授拖沙喇哈番。

薩爾納。滿洲鑲白旗人。姓伊拉里氏。世居葉赫地方。康熙十三年。以委署護軍校。從征耿逆至浙江。十五年。進趨福建。擊海賊偽將軍劉國軒於夏坑。毆奇頭山。郭塘。盤圍山等處。連敗其衆。又敗之於太平寨。十九年。隨征南大將軍賴塔。征逆孽吳世璠。至雲南。奪石門坎。黃草壩。抵雲南省城。並在事有功。二十五年。議敘。授拖沙喇

哈番。尋任西安駐防佐領。三十五年。隨撫遠大將軍伯費揚古。征勦厄魯特噶爾丹。奮勇擊敗賊兵。事平。敘功。加爲拜他喇布勒哈番。同旗有吞珠祐者。姓蜚雅氏。世居輝發地方。康熙十三年。逆藩吳三桂之叛。從鎮南將軍莽依圖。進征至廣西。敗僞將軍范齊韓。詹仰等。於柳州陶屯地方。十九年。隨征南大將軍賴塔。平定雲南。三十五年。又隨撫遠大將軍伯費揚古。征噶爾丹。吞珠祐並在行間。著有勞績。論功。授拖沙喇哈番。

賽喀納。滿洲鑲白旗人。姓布賽氏。世居葉赫地方。初任護軍叅領。康熙十四年。隨撫遠大將軍信郡王鄂扎。剿叛逆察哈爾布爾尼。至大魯地方。破其衆。又破其溝內伏兵。凱還。敘功。授拖沙喇哈番。歷任至鑲白旗滿洲副都統。尋以疾卒。諭祭一次。祭文稱其性行純良。才能稱職云。同旗有護軍叅領吳沙庫。護軍校綽克託。七品官馬薩喀。並以康熙十四年。隨信郡王鄂扎。征察哈爾布爾尼。屢敗賊衆。各授拖沙喇哈番。又有武蘭布者。姓趙佳氏。世居額爾敏地方。亦以從征布爾

尼有功。授拖沙喇哈番。

覺和托。滿洲鑲白旗人。姓文都氏。世居訥陰地方。初任驍騎校。康熙十四年。從撫遠大將軍信郡王鄂扎。征察哈爾布爾尼。至大魯。敗其兵。賊復聚潰。卒來犯。兩戰皆破之。十九年。隨征南大將軍賴塔。征逆孽吳世璠。奪黃草壩。進抵雲南。並有功。二十五年。議敘。授拜他喇布勒哈番。同旗有護軍校阿哈納。亦以隨撫遠大將軍信郡王鄂扎。征察哈爾布爾尼。隨征南大將軍賴塔。平定雲南。二役有功。授拜他喇布勒哈番。又有

殷德者亦於康熙十四年以委署叅領從征察  
哈爾布爾尼連敗賊兵十七年從征福建海寇  
往援泉州府破賊於洛陽橋復敗僞將軍劉國  
軒於潮溝之間二十五年議敘授拖沙喇哈番  
渾塔滿洲鑲白旗人康熙十四年以委署叅領  
從安親王岳樂征逆藩耿精忠至江西五月隨  
安親王岳樂破僞帥邵連登於建昌府長興地  
方又隨定南將軍希爾根敗僞周副總於界牌  
鋪北山七月破賊兵於饒州府景德鎮馬鞍山  
十五年正月隨安親王岳樂征逆藩吳三桂破

僞將軍夏國相李良棟等於萍鄉縣東來龍山  
又敗僞總兵薛先勝僞副將朱名勝於瀏陽縣  
北山十七年隨都統覺羅晝特復平江縣十九  
年隨貝子章泰破僞將軍吳國貴於武岡州雙  
井鋪並在事有功二十五年授拖沙喇哈番  
傅哈達滿洲鑲白旗人姓寧古塔氏世居薩爾  
湖地方康熙十四年以委署護軍校從征逆藩  
耿精忠至江西隨定南將軍希爾根破僞帥李  
茂珠等於建昌府城南鐘鼓山又擊僞總兵吳  
含興薛岱等兵破之進至馬店地方十五年十

二月。隨安南將軍舒恕。敗僞提督顏子明。僞將軍張郭年兵。又破南康縣賊。十六年。隨鎮南將軍莽依圖。征逆藩吳三桂。踰大庾嶺。往廣東。至韶州府城東山上。破僞將軍馬寶等。十八年。至廣西。擊僞將軍吳世琮兵。敗之。復於陶屯地方。擊敗僞將軍范齊韓詹仰等。十九年。從征南大將軍賴塔。奪石門坎黃草壩。直抵雲南城下。並在事有功。授拖沙喇哈番。

愛音柱。滿洲鑲白旗人。康熙十四年。以委署驍騎校。從征逆藩耿精忠。敗僞羅都督於江南。績

谿縣。至江西樂平縣段家村。與僞陳叅將水戰。敗賊八千餘。僞吳都督率衆四萬。列陣於石頭街。隨官兵連敗其衆。又敗僞總兵柯勝兵於弋陽縣。十七年。隨征至廣東韶州府。敗僞將軍馬寶兵。十九年。從征南大將軍賴塔。進平吳逆。敗賊於黃草壩。進抵雲南。並有功。授拖沙喇哈番。朔色。滿洲鑲白旗人。姓庫布魯氏。世居西蘭木魯地方。康熙十四年。以八品官隨定遠平寇大將軍安親王岳樂。征逆藩耿精忠。至江西。破僞帥邵連。登於建昌府之長興地方。復敗賊將朱

文貝於宜黃縣東山十五年。從安親王征逆藩吳三桂。至袁州府萍鄉縣。擊僞將軍夏國相李良棟等。敗之於縣東來龍山。尋卒於軍。追敘前功。贈一拖沙喇哈番。以其叔父之子滿色襲。畢里克。滿洲鑲白旗人。姓吳辛氏。世居西蘭木魯地方。初任驍騎校。康熙十七年。隨征吳逆。至廣東韶州府。擊敗僞將軍馬寶等。進至廣西。擊僞將軍吳世琮於新村西山。敗之。十九年。隨征南大將軍賴塔。奪石門坎黃草壩。進抵雲南省城。並有功。授拜他喇布勒哈番。同旗有委署叅

領恩格特。委署護軍校。錫特庫。並以隨鎮南將軍莽依圖征廣西。隨征南大將軍賴塔平雲南。歷戰有功。各授拖沙喇哈番。

晉才。滿洲鑲白旗人。姓伊爾根覺羅氏。世居寧古塔多喀地方。初以委署叅領。從征海寇。與僞將軍劉國軒戰於夏坑。毆奇頭山。又有郭塘盤圍山等處賊兵。犯我營壕。並擊敗之。又擊太平寨兵。敗賊六千人。康熙十九年。隨大兵征雲南。奪石門坎黃草壩。至雲南省城。並在行間。力戰有功。二十五年。議敘。授拜他喇布勒哈番。同旗

有委署護軍校博和禮。姓瓜爾佳氏。世居蘇完地方。又有委署護軍校索柱。根貝。又有桑格。並以從征福建海寇。平定雲南吳逆。二役有功。各授拖沙喇哈番。

卦納。滿洲鑲白旗人。姓伊爾根覺羅氏。世居河門地方。初任護軍校。康熙十九年。從征南大將軍賴塔。平定雲南。擊偽將軍何繼祖。王弘勳等。於石門坎。三戰三克之。賊復於黃草壩拒戰。率本甲喇兵擊敗之。進至雲南城下。偽將軍胡國柄等出城來犯。同三路大兵擊敗其衆。尋以疾

卒。康熙二十五年。敘功。贈拜他喇布勒哈番。以其子巴納承襲。同旗有察穆布者。姓富察氏。世居扎庫塔博爾屯村。亦以隨征南大將軍賴塔。平定雲南。吳逆有功。授拜他喇布勒哈番。又有委署章京阿珥楚。委署護軍校花色。關住。並以從征雲南。平定逆孽。吳世璠有功。各授拖沙喇哈番。又有名袞泰者。姓納蘭氏。世居葉赫地方。亦以是役効力行間。授拖沙喇哈番。

穆爾禪。滿洲鑲白旗人。康熙十九年。以委署護軍校。隨征雲南。逆孽吳世璠。奪石門坎。敗敵二

次。又於對路大山敗賊。進破黃草壩。乘勝抵雲南省城。俱在行間有功。又隨都統希佛於烏木山。敗偽將軍馬寶巴養元兵。二十五年敘功。授拖沙喇哈番。同旗有松吉納者。姓郭爾本氏。世居郭洛果多地方。亦以從征雲南有功。授拖沙喇哈番。

阿蘭柱。滿洲鑲白旗人。姓伊爾庫勒氏。世居諾雷地方。初任西安防禦。康熙十三年。隨征陝西。至綏德州。擊偽遊擊王文英兵於胡爾崖嶺。敗之。三十五年。隨撫遠大將軍伯費揚古。征勦厄

魯特噶爾丹。戰於昭莫多。敗其衆。論功。授拜他喇布勒哈番。同旗有滿都里者。姓他塔拉氏。世居扎克丹地方。初任護軍校。尋陞右衛防禦。兼佐領。亦於康熙十三年。從征陝西。擊叛鎮王輔臣。三十五年。從征噶爾丹。一役有功。授拖沙喇哈番。

圖爾海。滿洲鑲白旗人。姓富察氏。世居訥陰地方。初任前鋒校。康熙三十年。陞前鋒侍衛。尋擢護軍叅領。三十五年。從征厄魯特噶爾丹。固守汛地。射退敵兵有功。授拖沙喇哈番。四十五年。

人旗通志 卷一百九  
陞正藍旗滿洲副都統。五十年。陞正白旗護軍統領。尋以疾卒。同旗有任拖沙喇哈番品級章京名索爾和代者。姓氏里居。與圖爾海同。又有佐領談圖。俱以從征噶爾丹。由西路進剿有功。各授拖沙喇哈番。又有名何達色者。姓瓜爾佳氏。世居佛訥河村。亦以是役從事行間。得授拖沙喇哈番。

新泰。滿洲鑲白旗人。康熙五十九年。以部委夸蘭大。隨平逆將軍貝勒顏信征準噶爾。屢敗賊兵。進至藏。平定湯古忒。土默特部落等衆。並在

行間。論功。授拖沙喇哈番。同旗有委署夸蘭大常壽。亦於康熙五十九年。隨貝勒顏信取藏有功。授拖沙喇哈番。又有委署夸蘭大名赫塞者。姓吳辛氏。世居西蘭木魯地方。以雍正二年。隨大兵進藏有功。授拖沙喇哈番。病卒。以其子齊那禮襲。



張凱

大兵獲其首也對其少懷各番其卒以其子獲

致吳辛九月西圖木曾此式以乘五二平則

也對其少懷各番又自交番來圖火各赫塞亦

常壽衣外惠賜正十大平圖其少懷各番其

亦圖其少懷各番同其少懷各番其少懷各

八旗通志初集卷之二百十

勲臣傳十

鑲紅旗滿洲世職官

勞翰 曾孫恒祿

孟格圖 子綽內

艾搏巴圖魯 孫阿賴 剛吉納 弟之子多果

噶爾糾 布色赫巴圖魯

布善 子夸占 胡護納

蘇完拜 布達理 塔爾機善巴圖魯

勒德 覺羅肇班 覺羅希福

松果圖巴圖魯 丹達立

科齊 兄之子 殷達渾 戚哈喇

克色格 兄之子 舒書

吳爾東阿 子托羅 穆哈 族弟特密猷 族孫薩

馬克佳 弟華瞻 華瞻之子 喇占

倭赫訥 阿爾布尼

阿爾泰 子鄂多和

白亨特 奇努巴圖魯 子胡什巴

朱瓦尼 張泰

達爾喀 準布祿 賀業 吳世霸

莽古禪 唐色

色勒 碩拜 伊長阿

塞勒 回色 官布

穆圖 費揚武 色爾布 薩蘭泰 窩和 額什特

傅臘塔 市泰 費雅漢

哈禮 安泰 阿納庫 阿爾發 馬達喜

雅奇 楊什保 滿丕 舒恕

託拜 伯祖之孫 馬納海

孫達立 納爾泰

僧格德 族弟敦拜 族子噶納渾 科布朔 查麟

德齊布 朱蘭泰 克奇 四格

八旗通志 卷二百一  
噶蘇見名臣西喇巴 布爾堪見名臣阿蘭柱

根圖見名臣雍舜傳 姚禪

哈爾薩 蘇白見名臣哈爾古積

碩色納見名臣和託 羅思翰見名臣博爾晉

艾穆布 卓爾博

護紐 特爾赫見名臣特錦傳

康喀喇見名臣馬秦 朱喇禪見名臣弘尼牙

薩布當阿 武舒見名臣吳喇禪傳

苗齊納見名臣薩蘇 車楞見名臣葉臣傳下

布爾菘 馬柱

泰什哈 拜音達見名臣孟庫魯

商堅見名臣庫拜傳 哈爾薩

戴祿見名臣哈哈納 費揚古

噶篤渾 蘇布什見名臣瓦爾喀

懇赤赫 吳孫

孫玳 莽佳見名臣康喀爾傳

佟佳 和托

蘇敏見名臣杜敏傳 喀爾岱見名臣穆爾泰

阿爾遜 佛保見名臣弘世祿傳

和託見名臣賀布索 吳達立

巴智宜喇赤 見名臣牛鈕傳下同

雍極納 馬爾泰 見名臣拜音布傳

南濟蘭 見名臣法喀傳下同 佛克拖

伊勒穆 見忠烈顧吉納傳 朱爾堪 見忠烈塔納喀傳

赫什密 見忠烈桑固理傳下同 祿海

希福納 見忠烈孟庫富岱 見忠烈布蘭珠傳

宜爾特赫 見忠烈尹倭和布傳下同

雅興阿 見忠烈沙爾保泰 見忠烈博陀理傳

石圖 見忠烈沙克習綏哈 見忠烈孫塔傳

達鼐 見忠烈安塔錫保住 見忠烈付拉布傳

勞翰滿洲鑲紅旗人少事

太祖高皇帝每行軍時隨侍不離有敵兵來犯大營勞

翰奪其刀傷四指遂成殘廢然居恒必宿衛左

右終其身効力勤勞順治十一年追贈拜他喇

布勒哈番以其孫額素承襲十二年額素卒子

恒祿襲職康熙三十五年恒祿隨撫遠大將軍

伯費揚古征厄魯特噶爾丹由西路進兵敗賊

有功三十六年議敘於拜他喇布勒哈番加一

拖沙喇哈番仕至副都統

孟格圖滿洲鑲紅旗人以軍功授備禦世職又

八旗通志 卷二百一  
屢隨人兵征明有功。加世職爲遊擊。病卒。子綽  
內降。襲備禦世職。天命十一年。隨大兵征明。與  
明寧遠兵戰。歿於陣。

艾搏巴圖魯。滿洲鑲紅旗人。世居倪馬查地方。  
以地爲氏。性驍勇果敢。曾率二十人。襲取十三  
站寨。因授爲備禦世職。

賜名巴圖魯。天聰元年。從冷格里攻朝鮮義州。率四十  
人。首先衝入。遂克其城。敘功。加世職爲三等甲  
喇章京。尋病卒。子艾達漢襲職。崇德元年。從征  
朝鮮。右臂中傷。不能彎弓。以三等甲喇章京看

守英格關門。順治元年。

定鼎燕京。擢守阜成門章京。七年。九年。三遇

恩詔。加至一等阿達哈哈番。又一拖沙喇哈番。康熙七  
年卒。子阿賴襲職。十三年。隨征逆藩吳三桂。至  
江西吉安府。敗賊二次。十九年。從征南大將軍  
賴塔進征雲南。於黃草壩地方。及雲南城外。擊  
賊有功。二十五年。議敘。加世職爲三等阿思哈  
尼哈番。

剛吉納。滿洲鑲紅旗人。姓西克特立氏。世居瓜  
爾察之雅克善地方。天聰五年。從征明大凌河。

八旗通志 卷二百一  
擊監軍道張春前隊兵。執擺牙喇。燾殺入敵陣。又擊張春後隊兵。時八固山兵未進。剛吉納獨執燾。越衆當先殺入。敗之。八年敘功。授牛彖章京世職。卒。以子碩色襲。碩色卒。以剛吉納弟之子拖布琦承襲。遇

恩詔。加一拖沙喇哈番。拖布琦之兄多果。以順治七年襲弟職。九年遇二次

恩詔。加至二等阿達哈哈番。十五年。隨官兵征偽桂王。十六年。由貴州凱旋。至江南。值海賊鄭成功陷鎮江瓜州。直犯江寧。多果隨梅勒章京噶褚哈。

屢敗賊衆。獲賊船一隻。十七年敘功。加世職爲一等阿達哈哈番。康熙十七年。從征海寇。至福建。在石塘嶺地方擊賊。歿於陣。二十五年。卹贈加一拖沙喇哈番。

噶爾糾。滿洲鑲紅旗人。姓西克特立氏。世居瓜爾察地方。天聰八年。以辦事有能。不違指使。授牛彖章京世職。崇德二年。同吳巴海。席特庫。往追喀木寧阿部落逃人葉雷。率知踪跡者九人。出邊五十日。至溫朶地方。追及葉雷。及同叛人等。盡斬之。獲婦女幼小八十七口。馬五十六匹。

凡在行間。六踰月方回。

太宗文皇帝命固山額真出迎五里。宴之。敘功。加爲三等甲喇章京。世職。順治七年遇

恩詔。加爲二等阿達哈哈番。

布色赫巴圖魯。滿洲鑲紅旗人。姓奇氏。世居葉赫地方。崇德三年。隨貝勒岳託征明。用雲梯攻深州。繼達雅禮後。以第二人登城。克之。四年敘功。

賜名巴圖魯。授牛叅章京。世職。順治元年。隨睿王多爾袞進山海關。擊敗流賊。五月。隨固山額真葉臣

往平山西。至太原府。隨固山額真墨爾根轄。往尋土賊踪跡。有千餘賊來犯。擊敗之。又同阿爾賽擊敗僞侯總兵。三年。加半個前程。七年。九年。

三遇

恩詔。加至一等阿達哈哈番。

布善。滿洲鑲紅旗人。原管擺牙喇甲喇事。崇德六年。隨征明圍錦州。領燾擊敗杏山馬兵。又擊明軍門洪承疇兵。敗之。八年。從鄭親王濟爾哈朗征明。取前屯衛。與燾章京阿積格尼堪。及擺牙喇八章京等。圍中前所城。聞城內兵夜遁。同

董阿賴。格爾泰。額奇爾。穆福等。奪門衝入。遂克其城。順治元年。隨睿王多爾袞進山海關。擊流賊有功。二年。授牛錄章京世職。子夸占。於順治三年襲職。七年。九年。三遇

恩詔。加至二等阿達哈哈番。康熙十三年。逆藩耿精忠反。夸占隨安親王岳樂往征。至江西。有賊將邵連登。在建昌府長興地方拒敵。夸占率本旗兵。隨安親王擊敗之。又隨安親王往征逆藩吳三桂。至袁州。擊偽將軍夏國相李良棟於萍鄉縣東來龍山。敗之。進至湖廣長沙府。賊兵出南門

來犯。夸占隨安親王擊敗其衆。又在沿溪地方。擊敗楊熊二偽總兵。二十五年敘功。加一拖沙喇哈番。授爲一等阿達哈哈番。仕至都統。

胡護納。滿洲鑲紅旗人。崇德五年。以噶布什賢壯尼大。從睿王多爾袞征明。圍錦州。隨阿爾布尼。擊敗松山步兵。六年。又從圍錦州。明經畧洪承疇兵。來犯我右翼汛地。胡護納仍隨阿爾布尼。擊敗其衆。順治二年。從德豫親王多鐸追騰機思。擊土謝圖汗。及碩羅汗兵。俱率本固山噶布什賢兵。進戰有功。所至擒逐哨騎。凡斬殺蒙



古十八人。漢兵三十四人。生擒蒙古四人。漢兵一人。五年敘功。授拖沙喇哈番。七年。九年。三遇恩詔。加至三等阿達哈哈番。

蘇完拜。滿洲鑲紅旗人。姓宜爾根覺羅氏。世居古納河郭羅薩哈爾察地方。崇德六年。以章京隨征明。圍錦州。擊松山馬兵。三敗其衆。順治元年。隨睿王多爾袞進山海關。擊流賊有功。十一月。隨豫親王多鐸破流賊。平定河南。在潼關擊敗流賊第一營。第二營步兵。又自西安府。隨燾章京阿爾津。敦拜往探賊踪。遇流賊馬兵三百。

圍於一村。殲之。二年。隨貝勒博洛征浙江。至平湖縣。有王總兵來犯。同馬篤護。席蘭敗之。三年。敘功。授半個前程世職。七年遇

恩詔。加爲拜他喇布勒哈番。同旗有布達禮者。崇德七年。隨征明。用紅衣礮攻塔山城。於攻破之處。首先登城。克之。九年敘功。授半個前程世職。順治七年。九年。三遇

恩詔。加至三等阿達哈哈番。

塔爾機善。巴圖魯滿洲鑲紅旗人。姓西克特立氏。世居瓜爾察之洪鄂村。崇德八年。隨貝勒阿

巴泰征明。用雲梯攻順德府。繼羅多洪後。以第二人登城。克之。凱旋敘功。

賜名巴圖魯。授牛錄章京。兼半個前程世職。順治七年。

九年三遇

恩詔。加至一等阿達哈哈番。

勒德滿洲鑲紅旗人。姓納蘭氏。世居彝巴丹地方。崇德八年征明。至山東。用雲梯攻臨清州。繼布勒後。以第三人登城。克之。凱旋敘功。授半個前程世職。順治七年。九年三遇。

恩詔。加至三等阿達哈哈番。緣事降為拜他喇布勒哈

番。

覺羅肇班。滿洲鑲紅旗人。

景祖皇帝長兄之二世孫也。崇德八年。隨貝勒阿巴泰

征明。至山東。擊敗明王總兵。及白總兵。進攻朝城縣。領雲梯先登。遂克其城。順治二年。隨定國大將軍豫親王多鐸征流賊。至潼關。同布彥岱敗賊馬兵二次。賊兵夜犯我營。復與珍篤禮擊敗其眾。三年敘功。授半個前程世職。七年。九年三遇。

恩詔。加至三等阿達哈哈番。同旗覺羅有希福者。

景祖皇帝長兄之三世孫也。原管牛录事。順治元年。隨睿王多爾袞進山海關。擊敗流賊兵。復追至慶都縣。擊敗之。二年。敘功。授半個前程。世職。七年。九年。三遇。恩詔。加至三等阿達哈哈番。

松果圖巴圖魯。滿洲鑲紅旗人。崇德八年。隨貝勒阿巴泰征明。至山東。攻臨清州。於未豎雲梯之先。直趨而上。遂克其城。凱旋敘功。賜名巴圖魯。授牛录章京。世職。順治元年四月。隨睿王多爾袞進山海關。擊敗流賊。五月。隨固山額真

葉臣征山西。攻太原府。城內兵出犯。奮擊敗之。是冬。從征流賊至陝西延安府。城內賊兵來襲。我輜重。松果圖同赫葉內三擊賊衆。直抵壕邊。敗之。又隨固山額真覺羅巴哈納前往招撫鳳翔府流寇。遇潼關敗回之流賊。迎擊敗之。二年。至江南招撫池州府。遇敵哨騎。斬之。獲船七隻。又隨梅勒章京譚拜率每牛录擺牙喇一名。甲士三名。乘船擊河泊敵兵。盡獲其船。明將左良玉兵敗走。仍隨梅勒章京譚拜追擊。奪獲其船。三年。加半個前程。七年。九年。三遇。

恩詔。加至一等阿達哈哈番。同旗有丹達立者。亦於崇德八年。隨貝勒阿巴泰征明。至山東。用雲梯攻朝城縣。繼巴哈塔後。以第二人登城。克之。凱旋敘功。授半個前程世職。順治七年。九年。三遇恩詔。加至二等阿達哈哈番。

科齊。滿洲鑲紅旗人。姓洪鄂氏。世居洪鄂綽地方。崇德八年。隨貝勒阿巴泰征明。至山東。用雲梯攻費縣。繼屯泰以第二人登城。克之。凱旋敘功。授半個前程世職。順治七年。九年。三遇

恩詔。加至二等阿達哈哈番。其兄子殷達渾。康熙十三

年。從西安將軍瓦爾喀等征逆藩吳三桂。由陝西進四川。在野狐嶺地方。敗賊二次。破陽平關。又隨鎮西將軍席卜臣等。在娘娘廟。張飛廟。槐樹驛。小梅嶺。龍潭驛等處。屢敗賊兵。十五年。從撫遠大將軍圖海。征叛鎮王輔臣。圍秦州。擊四川來援賊兵。敗之。尋病卒於軍。贈拖沙喇哈番。以叔父之子鐘吉納承襲。

戚哈喇。滿洲鑲紅旗人。世居倪沙地方。以地爲氏。崇德八年。隨貝勒阿巴泰征明。至山東。攻魚臺縣城。不用雲梯。首先登城。克之。敘功。授半個

八旗通志 卷二百一  
前程世職。順治七年。九年。三遇。

恩詔。加至三等阿達哈哈番。緣事降爲拖沙喇哈番。

克色格。滿洲鑲紅旗人。世居董鄂地方。以地爲氏。崇德八年。以壯尼大。隨貝勒阿巴泰。大兵征明。用雲梯攻安東衛。首先登城。克之。凱旋敘功。授半個前程世職。病卒。以子哈爾吉襲。遇。

恩詔。加爲拜他喇布勒哈番。順治九年卒。以伯父之子舒書襲職。十二年。舒書從征浙江舟山。擊賊有功。同賈靈阿擒獲賊船。十四年。議敘。加一拖沙喇哈番。

吳爾東阿。滿洲鑲紅旗人。姓富察氏。世居費要和屯地方。崇德八年。隨貝勒阿巴泰。征明。至山東。攻日照縣。乘頽垣先登。克其城。敘功。授半個前程世職。順治七年。九年。三遇。

恩詔。加至三等阿達哈哈番。十四年病卒。子托羅襲職。

康熙十三年。隨簡親王喇布。征逆藩吳三桂。至江西。在吉安府螺子山。擊僞將軍韓大任。歿於陣。二十五年。議卹。加贈二等阿達哈哈番。以子唐果納承襲。有特密猷者。吳爾東阿族弟也。康熙十四年。隨信郡王鄂扎。征察哈爾布爾尼。有

功十八年。從平南將軍賴塔征海寇。至福建。敗賊於郭塘山。太平寨等處。二十年。由廣西進征雲南。逆孽吳世璠。在石門坎。黃草壩。及雲南城。外。屢敗賊兵。二十五年。敘功。授拜他喇布勒哈番。又一拖沙喇哈番。其族孫薩穆哈者。順治十五年。以七品官隨征偽桂王。至貴州。敗賊於凉水井。及魯噶地方。康熙十三年。從征逆藩耿精忠。至浙江。敗賊於金華府。又敗之於五都曹。漳澤村。八里店。荷葉口山等處。又擊賊於秀溪山。朱園村。集道山。縉雲縣等地方。俱有功。二十五

年議敘。授拖沙喇哈番。

馬克佳。滿洲鑲紅旗人。姓瓜爾佳氏。世居安楚

拉庫之多爾濟河。初任擺牙喇甲喇章京。順治

元年四月。隨睿王多爾袞進山海關。擊敗流賊

馬兵。復敗之於慶都縣。五月。隨固山額真葉臣

往平山西。攻取太原府。進至汾州府。擊偽總兵

田虎。敗之。自平陽府追擊賊兵。敗之於絳州渡

口。又隨固山額真杜雷。追田虎至陝西綏德州。

敗之。二年。由湖廣至九江富池口。同希爾根追

及賊船。獲船一百七十隻。又擊岸上。駐立馬步

八旗通志 卷二百一  
賊敗之。進擊流賊第二營兵。大敗其衆。又隨固  
山額真巴特瑪往尋賊踪。追及賊兵敗之。三年  
敘功。授半個前程。世職。七年。九年。三遇

恩詔。加至三等阿達哈哈番。孫馬海。康熙二十九年。從  
征厄魯特噶爾丹。在烏闌布通地方擊賊。中頭  
等傷。賞銀五十兩。仕至西安副都統。病卒。

賜祭葬如例。馬克佳弟華瞻。順治元年。以牛彖章京隨  
睿王多爾袞進山海關。擊敗流賊。復追擊至慶  
都縣。俱有功。二年。議敘。授牛彖章京。世職。任吏  
部理事官。五載。考察。以稱職。加半個前程。七年。

九年。三遇

恩詔。加至一等阿達哈哈番。十二年。病卒。子喇占襲職。  
康熙十四年。從征逆藩耿精忠。至浙江。於石塘  
嶺。滿塘。新屯。都等處。隨大兵。屢敗賊衆。十七年。  
隨大兵。征海寇。至福建。在蜈蚣山。擊僞將軍劉  
國軒兵。歿於陣。二十五年。卹贈。加一拖沙喇哈  
番。以其子喇啓承襲。

倭赫訥。滿洲鑲紅旗人。姓宜爾根。覺羅氏。世居  
虎諾赫。郭羅薩哈查地方。初任牛彖章京。順治  
元年。四月。隨睿王多爾袞。進山海關。擊流賊。有

功十一月。隨豫親王多鐸征流賊至潼關。屢敗賊兵。二年。進征江南。率本甲喇兵。敗敵於丹徒。金壇。二縣。敵步兵自茅山來犯。率本甲喇兵。大敗其衆。三年。敘功。授半個前程。世職。七年。九年。三遇。

恩詔。加至三等阿達哈哈番。

阿爾布尼。滿洲鑲紅旗人。原管甲喇章京事。順治元年。

定鼎燕京。以署梅勒章京留爲後隊。二年。授牛策章京。世職。隨豫親王多鐸征流賊。敗之於潼關。

賊兵夜犯我營。阿爾布尼遣章京二員。甲士六十人。擊敗其衆。又擊流賊第一營。第二營。俱有功。與燾章京阿爾津。敦拜。自西安府往尋賊踪。遇賊馬兵三百。圍於一村。殲之。三年。敘功。加半個前程。

阿爾泰。滿洲鑲紅旗人。初任擺牙喇甲喇章京。順治元年。隨睿王多爾袞進山海關。擊敗流賊馬兵。復敗之於慶都縣。二年。敘功。授半個前程。世職。七年。九年。三遇。

恩詔。加至三等阿達哈哈番。康熙三年。緣事降爲拜他。



喇布勒哈番。又一拖沙喇哈番。

糾多。滿洲鑲紅旗人。姓魯布里氏。世居烏喇地方。初任擺牙喇甲喇章京。順治元年。隨睿王多爾袞進山海關。擊敗流賊。明年。隨豫親王多鐸平定淮安有功。僞新昌王據易州城。糾多同海塔擊敗其衆。三年。從肅親王豪格征四川。敗賊於鷄頭關。又擊敗八大王張獻忠。中礮傷。遂成殘廢。七年。敘功。授拖沙喇哈番。九年。遇二次

恩詔。加至拜他喇布勒哈番。又一拖沙喇哈番。十三年卒。子鄂多和襲職。十五年。隨梅勒章京噶褚哈

進征貴州。十六年。由貴州凱旋。至江南。值海賊鄭成功陷鎮江瓜州。來犯江寧。鄂多和隨大兵擊賊有功。十七年。加世職爲三等阿達哈哈番。白亨特。滿洲鑲紅旗人。姓富察氏。世居葉赫地方。順治六年。隨征叛鎮姜瓖。圍大同。用紅衣礮攻左衛城。於頽毀處。繼沙納哈後。以第二人登城。克之。敘功。授拖沙喇哈番。九年。遇

恩詔。加爲拜他喇布勒哈番。

奇努巴圖魯。滿洲鑲紅旗人。姓宜爾根覺羅氏。世居阿庫里尼門畢拉地方。順治六年。隨孟喬

芳等率兵往征山西。用雲梯攻芮城縣。奮勇先登。遂克其城。九年敘功。授拜他喇布勒哈番。

賜名巴圖魯。是年遇二次

恩詔。加至三等阿達哈哈番。康熙十三年。從征逆藩吳三桂。進四川。於朝天關。小梅嶺。龍潭驛等處。擊賊有功。十七年議敘。加世職爲二等阿達哈哈番。子胡什巴。以康熙二十六年襲職。三十五年。隨征厄魯特噶爾丹。由西路進兵。擊敗賊衆。三十六年。加世職爲一等阿達哈哈番。

朱瓦尼。滿洲鑲紅旗人。姓瓜爾佳氏。世居建尼地方。祖綏邦額。於

國初率族人來歸。父名回三。天命六年。以分得撥什庫。從征遼陽。歿於陣。順治六年。朱瓦尼隨征大同。叛鎮姜瓖。擊城內出犯賊兵。破之。九年。從征鄂爾多斯。敗賊多爾濟兵。十一年。從征廣東。敗僞安西王李定國於新會縣。敘功。授拖沙喇哈番。子巴席仕。至侍郎。

張泰。滿洲鑲紅旗人。姓瓜爾佳氏。世居吉蘭地方。順治十二年。以副理事官。隨寧海大將軍固山額真宜爾德。往浙江征舟山。擊賊阮思陳。六

御等有功。十四年授拖沙喇哈番。十五年隨安遠靖寇大將軍信郡王多尼往雲南征偽桂王。攻沅江府。張泰越眾率兵攻城克之。手足被創。賞婦女六口。銀六十兩。馬牛各六匹。得頭等功牌一。又敗偽鞏昌王白文選於七星關。得三等功牌一。康熙三年以辦事勤慎加一級。紀錄一次。六年遇

恩詔加一級。陞御史兼叅領。署都統印。十四年遇

恩詔加一級。十六年因逆藩吳三桂反。進馬以助軍用。

議敘加一級。十九年以夸蘭大隨副都統穆丹

進征貴州。二十二年擢駐防西安府副都統。由西安府安撫漢中府二次。二十八年引年乞休。奉

旨著原品致仕。三十一年卒。

賜祭葬如典禮。

達爾喀滿洲鑲紅旗人。姓楊佳氏。世居楊三畢喇赫哲合佛阿拉地方。順治十五年以壯尼大從征貴州。在十萬崎山敗賊二次。十六年由貴州凱旋。至江南。值海賊鄭成功陷鎮江瓜州。復犯江寧。隨梅勒章京噶褚哈屢敗賊兵。敘功。授

八旗通志 卷一百一  
拖沙喇哈番。

準布祿。滿洲鑲紅旗人。姓瓜爾佳氏。世居蘓完地方。順治十五年。以壯尼太。從征雲南。貴州。在涼水井。及魯噶地方。屢敗賊衆。十七年。從征山東。擊賊首呂思曲。俞三等。復有功。授拖沙喇哈番。本旗有賀業者。亦以從征雲南軍功。授拖沙喇哈番。又有吳世霸者。順治十七年。征羅察。同丹達立。破賊。獲賊二等船。十八年。敘功。授拜他喇布勒哈番。

莽古禪。滿洲鑲紅旗人。姓洪鄂氏。世居烏喇地

方。康熙十三年。從征逆藩吳三桂。由陝西進四川。在陽平關。朝天關。蟠龍山。娘娘廟。張飛廟。槐樹驛。小梅嶺。龍潭驛等處。俱隨前鋒統領穆占。擊賊有功。十七年。議敘。授拜他喇布勒哈番。唐色。滿洲鑲紅旗人。康熙十三年。以委署護軍校。隨征逆藩耿精忠。平定浙江福建。所至有功。二十年。進征雲南。在石門坎。黃草壩。隨征南大將軍賴塔。大敗賊衆。又同三路官兵。敗僞將軍胡國秉等兵於雲南城下。二十五年。敘功。授拖沙喇哈番。累陞至副都統。

八旗通志 卷一百一  
色勒滿洲鑲紅旗人。康熙十三年。以護軍校隨官兵征逆藩吳三桂。至江西。敗賊於西村地方。又隨安親王岳樂。敗賊於萍鄉縣東來龍山。二十年。進征雲南。在雲南城外擊賊有功。旋病卒。二十五年。敘功。贈拖沙喇哈番。以子色圖承襲。本旗有碩拜者。亦以從征吳逆軍功。授拖沙喇哈番。

伊長阿。滿洲鑲紅旗人。康熙十三年。以委署護軍校。隨征逆藩吳三桂。至江西。屢敗賊兵。進至湖廣攸縣。又敗之於白水石。蔡家店。折李橋。永

州府等處。十九年。至廣西。在陶屯地方。隨都統勒貝等。大敗賊衆。二十年。進征雲南。奪石門坎。黃草壩。攻下雲南城。又追賊帥馬寶於烏木山。俱在行間擊賊有功。二十五年。議敘。授拖沙喇哈番。

塞勒。滿洲鑲紅旗人。姓舒書覺羅氏。世居佛阿賴地方。康熙十三年。以護軍校。從征逆藩耿精忠。至浙江。敗賊於草坪關。及水南地方。二十年。從征南大將軍賴塔。進征雲南。在石門坎。黃草壩。屢敗賊兵。乘勝進攻雲南城。又敗賊於雲南

八旗通志 卷二百一  
城外。並在事有功。旋病卒。二十五年議敘。贈拜他喇布勒哈番。以子保住承襲。族人有回色者。康熙三十五年。以佐領從征厄魯特噶爾丹。隨撫遠大將軍伯費揚古。在西路擊賊有功。三十年議敘。授拖沙喇哈番。

官布。滿洲鑲紅旗人。姓富察氏。世居輝發地方。康熙十三年。以委署護軍校。隨征逆藩耿精忠。至江西。在建昌府南康縣等處。屢敗賊兵。十七年。進征廣東。隨將軍莽依圖等。敗賊於韶州府城東山。又敗之於樹梓墟。及新村西山。十九年。

至廣西。敗賊於柳州之陶屯地方。二十年。進征雲南。破黃草壩。至雲南城。外。俱在行間擊賊有功。二十五年議敘。授拖沙喇哈番。

穆圖。滿洲鑲紅旗人。康熙十三年。以護軍校。從征逆藩耿精忠。平定浙江福建有功。旋病卒。二十二年。贈拖沙喇哈番。以子馬山承襲。本旗有費揚武者。亦以是役有功。議敘。授拖沙喇哈番。又有色爾布者。從征福建。擊偽閩安侯兵。跳船被創。授拖沙喇哈番。

薩蘭泰。滿洲鑲紅旗人。姓瓜爾佳氏。世居哈達

地方。康熙十三年。從征逆藩耿精忠。與賊戰於建陽縣。射殪賊一人。又在浙江金華府武義縣。擒賊哨卒一人。十七年。從征海寇。在福建泉州府。擒賊哨卒一人。又於海昌。擒賊哨卒一人。二十九年。從征厄魯特噶爾丹。在烏闌布通擊賊。被創。授拜他喇布勒哈番。同旗有窩和者。從征浙江福建。屢立軍功。授拖沙喇哈番。又有額什特者。從征海寇有功。授拖沙喇哈番。

傅臘塔。滿洲鑲紅旗人。姓托莫氏。世居烏喇地方。康熙十三年。以拖沙喇哈番品級章京。隨征

逆藩吳三桂。至陝西。敗賊於關山關河岸。至秦州。賊兵來犯。屢敗其眾。又敗賊於定華嶺。擊敗四川平涼來援賊兵二次。十四年。於秦州北山。南山。及羅家坡。雁關等處。擊賊有功。尋往斷賊餉道。隨振武將軍佛尼勒。敗賊眾於牡丹園。又敗賊於岐山坡南山。及紅山嘴。西河縣北崗。益門鎮西南山等處。三十五年。從征厄魯特噶爾丹。敗賊於昭莫多地方。俱在事有功。三十七年。議敘。授拜他喇布勒哈番。同旗有屯泰者。亦以從征厄魯特噶爾丹軍功。授拖沙喇哈番。

費雅漢滿洲鑲紅旗人。康熙十三年。以委署叅領。從征逆藩吳三桂。攻四川。隨前鋒統領穆占。敗僞將軍王屏藩兵。進兵秦州。在山前後大敗賊衆。又敗之於娘娘廟。小梅嶺等處。至保寧府。擊敗水陸拒敵賊兵。又隨大兵敗賊於張飛廟。五十二年。追敘軍功。授拖沙喇哈番。

哈禮滿洲鑲紅旗人。姓胡爾哈蘇氏。世居哈達地方。康熙十三年。以八品官。從征逆藩耿精忠。至江西。十五年。隨安親王岳樂。敗賊帥邵連登於建昌府之長興。又於沔津及惶恐灘等處。屢

敗賊衆。十九年。至廣西。隨都統勒貝等。敗賊於陶屯地方。二十年。進征雲南逆孽吳世璠。在黃草壩及雲南城。外。俱擊賊有功。二十五年。授拜他喇布勒哈番。

安泰滿洲鑲紅旗人。姓馬佳氏。世居薩瑪唐阿地方。康熙十四年。以護軍校。隨撫遠大將軍信郡王鄂扎。勦察哈爾布爾尼。屢敗賊兵。敘功。授拖沙喇哈番。是役也。本旗有阿納庫。馬達喜。阿爾發。三人。並在事有功。得授拖沙喇哈番。

雅奇滿洲鑲紅旗人。康熙十四年。以護軍校。隨



信郡王鄂扎征察哈爾布爾尼有功。二十年從征雲南逆孽吳世璠。敗賊將於黃草壩。進克雲南城。並在事有功。二十五年議敘。授拜他喇布勒哈番。同旗有楊什保者。亦以從征雲南石門坎。黃草壩。歸化寺等處軍功。授拖沙喇哈番。又有滿丕者。從征雲南。敗賊於黃草壩。又敗賊於雲南城外。又敗賊於烏木山。尋病卒。卹贈拖沙喇哈番。以兄之孫吳禮承襲。

舒恕。滿洲鑲紅旗人。康熙十五年。以親軍校隨撫遠大將軍圖海。征陝西叛鎮王輔臣。敗賊於

平京城北虎山墩。十六年。隨征南將軍穆占。往湖廣。征逆藩吳三桂。十七年。至桂陽州涼路舖等處。大敗賊衆。十九年。至廣西。在柳州陶屯地方。隨大軍擊賊有功。二十年。進征雲南。敗賊於黃草壩。又敗賊於雲南城。外。又敗賊於烏木山。並在行間。二十五年。敘功。授拖沙喇哈番。

託拜。滿洲鑲紅旗人。姓西林覺羅氏。世居洪納河。郭羅薩哈查地方。康熙十七年。以委署護軍校。從寧海將軍喇哈達。征浙閩海寇。在太平山。蜈蚣山。郭塘山等處。屢敗賊兵。二十年。從征雲

南逆孽吳世璠。隨征南大將軍賴塔。敗賊於石門坎。黃草壩。及雲南城外。二十五年敘功。授拖沙喇哈番。其伯祖之孫曰馬納海者。以壯尼太。隨貝勒阿巴泰征明。至山東攻濟陽縣城。先登克之。賞馬一匹。順治元年。進山海關。擊流賊。歿於陣。

孫達立。滿洲鑲紅旗人。姓阿哈覺羅氏。世居瓦爾喀地方。康熙十七年。以委署護軍校。從征浙。聞海寇在蒲塘。新屯。蜈蚣山等處。屢敗賊兵。二十年。進征雲南。敗賊於石門坎。黃草壩。又敗之。

於雲南城外。及烏木山。並在事有功。二十五年。議敘。授拖沙喇哈番。

納爾泰。滿洲鑲紅旗人。康熙十七年。以委署護軍校。從征浙。聞海寇。修洛陽橋。隨寧海將軍喇哈達。擊敗賊眾。又敗賊於東危山。太平寨等處。二十年。進征雲南。逆孽吳世璠。在石門坎。黃草壩。及雲南城外。俱擊賊有功。二十五年。議敘。授拖沙喇哈番。三十五年。復從征厄魯特。噶爾丹。由西路進兵。擊敗賊兵。三十六年。敘功。加世職。為拜他喇布勒哈番。

僧格德滿洲鑲紅旗人。姓胡爾哈蘇氏。世居席北地方。康熙十七年。以驍騎校從征浙閩海賊。敗賊於秀溪山。太平山。泉州府蜈蚣山等處。三十五年。從征厄魯特噶爾丹。在昭莫多地方。擊賊復有功。三十六年。議敘。授拖沙喇哈番。其族弟名敦拜者。康熙三十五年。以護軍叅領隨撫遠大將軍伯費揚古。征厄魯特噶爾丹。由西路進兵。擊賊有功。議敘。授拖沙喇哈番。族子名噶納渾者。康熙二十年。以委署護軍校。隨征雲南逆孽吳世璠。在石門坎。黃草壩等處。擊賊有功。

乘勝進攻雲南城。又敗賊於雲南城外。二十五年。敘功。授拖沙喇哈番。

科布朔滿洲鑲紅旗人。康熙二十年。以佐領從征雲南逆孽吳世璠。敗賊將於黃草壩地方。乘勝進攻雲南城。擊敗偽將軍胡國秉等。並在行間有功。二十五年。議敘。授拖沙喇哈番。本旗有驍騎校部。委蘇喇章京查麟者。亦以征雲南黃草壩。歸化寺等處軍功。授拖沙喇哈番。

德齊布滿洲鑲紅旗人。康熙三十五年。以夸蘭大從撫遠大將軍伯費揚古。征厄魯特噶爾丹。



... 進... 職... 功... 三十六年... 授... 沙... 喇...  
... 本... 有... 功... 領... 奇... 二人... 亦... 以... 是...  
... 役... 在... 事... 有... 功... 得... 授... 拖... 沙... 喇... 哈... 奇... 又有... 四... 格... 者... 其...  
... 熙... 五... 十... 九... 年... 以... 議... 軍... 後... 部... 委... 署... 京... 外... 委... 署... 關... 大...  
... 隨... 員... 勒... 延... 信... 與... 招... 文... 或... 有... 功... 授... 拖... 沙... 喇... 哈... 奇... 其... 一...

